

汝州志卷之六

汝州志上

祥符縣人 趙林成

鄉賢

知汝州事三韓白明義 同纂

夫人而勢居崇高力能利濟有造於鄉閭而鄉閭之人遂羣焉祀之祀之宜也顧必待勢與力而後著彼管幼安王彥方又何以稱焉人之立身自有本末不軒冕而榮不膏粱而腴千百世下聞其流風餘韻猶慨慕不置者知必有大異乎人之所爲也古之所謂鄉先生沒而可祭於社者苟非其人亦孰克當此而無忝者乎

漢

申屠嘉

臨汝人文帝時累遷御史大夫拜丞相廉直不受私
謁時鄧通得寵嘉入朝見通居上旁有怠慢色罷朝
召通通至免冠謝嘉責曰小臣戲上大不敬當斬

馮異

性謙退自巾車鄉隨光武出師諸將論功獨屏居樹
下人號大樹將軍封征西大將軍夏陽侯明帝圖畫

臺雲

樊宏

汝陽人光武之舅父重賞巨萬好賑宗族縣中推爲
三老宏有志行光武卽位拜光祿大夫封壽張侯慎
畏不求苟進戒其子曰天道惡滿而好謙令保身全
已豈不樂哉宗族化之未嘗犯法子儵嗣有父風孫
準厲志行修儵

仕爲光祿大夫

唐

孫處約

汝州邠城人貞觀中爲齊王祐記室王多過失公數

劉庭芝

上書切諫太宗嘉之擢爲中書舍人官至少司成
字希夷進士有詩名祀鄉賢

孟詵

汝州梁人擢進士第累遷鳳閣舍人他日至劉禕之
家見賜金曰此藥金也燒之火有五色氣試之驗武
后聞不悅出爲台州司馬頻遷春官侍郎相王召爲
侍讀拜同州刺史神龍初致仕居伊陽山治方藥睿
宗召將用之以老固辭賜物百段詔河南春秋給羊
酒糜粥尹畢構以詵有古人風所居爲子平里開元
初卒年九十詵居官以治稱閑居常語人曰養性
者善言不可離口善藥不可離手當時傳其當見唐
書本

傳

柳渾

字維深汝州梁縣梁城鄉思義里人柳宗元爲作行
狀宋志補

王虔休

有材武信義李抱真以幣帛招之授兵馬使累功封
同昌郡王後爲昭義留後號令撫循軍中大治卒贈

尚書左僕射
諡曰敬

五代

張仁謙

字受益初仕晉爲北面行營兵馬都監漢祖卽位授西上閣門副使入宋平李繼筠授象州刺史卒贈吏部尚書上柱國河南郡公

宋

孫何

咸平元年賜進士第一授光祿寺丞直集賢院祀鄉賢

孫僅

何之弟咸平元年何魁天下王黃州覽僅文書其後曰明年再就堯階試應被人呼小狀元二年僅果第一王黃州寄以詩曰病中何事忽開顏記得時稱小狀元粉壁每題龍虎榜錦標終屬鶻鴿原一時京師閭巷榮之咸呼曰大小狀元見古今事文類聚前集澠水燕談按宋史載何僅爲蔡州汝陽人然類聚之

書爲宋建安祝和甫所編和甫爲紫陽高弟

宋人述宋事信而可徵史或訛爲汝陽耳宋志補

寇 璵

字次公臨汝人初母夢神人授珠吞之而娠生而眉目秀美擢進士授蓬州軍事推官時李順餘黨繆芳盛等復起爲盜城設方畧擒送京師從開封府推官移權領施州討平溪蠻爲梓州轉運使又討瀘蠻加侍御史累遷

樞密直學士

馮聖先

名理汝州人伊川先生門人陳恬叔易爲作誌文尹公再題其後

馮忠恕

聖先子從尹公和靖公學涪陵記善錄者也宋志補

吳幾復

字辨叔嘗讀書風穴山中塊處一室經歲寺僧莫得見其面後登進士第皇祐中爲太學直講朝廷知其賢內試省府外委以監司郡守之寄後鎮荆南卒祀鄉賢

金

宗端修

金史有傳端修字平叔一字伯正汝州人大定二十二年進士衛紹王避世宗諱改宗為嬀而天下止以宗平叔目之好學喜各節操履端勁慕司馬溫公之為人自為諸生時見者必悚然敬之明昌中自省據拜監察御史車駕東狩是歲夫寒有凍死者平叔諫止之元妃兄弟李喜兒輩干預朝政平叔上書以遠小人為言道陵知其為喜兒發詔喜兒就問卿欲朕遠小人小人為誰其以姓名對平叔奏小人正李喜兒兄弟耳喜兒以聞李氏兄弟皆切責竟以計直貶官平叔自守愈篤是是非非議論一出於正太為朝廷所知降詔褒諭以全州節度副使卒於官平叔妻死不更娶潔居二十年士論高之永寧游彥哲調汝州司候將之官問為政平叔言為政不難治心養氣而已彥哲不領明日復來云夏名初入官且臨先生鄉郡請問為政而先生乃以治心養氣為言思之不能得願終教之平叔日子寧不知此耶治心則心正心正則不私養氣則氣平氣平則不暴不私不暴為政之術盡於此矣平叔墓碑及傳閒閒公為作稱其

剛稜疾惡有鐵面陳了翁之風人不以爲過云姪孫汝作正大末保山柵有功入守汝州力盡城復陷兵入欲降之不屈而死

元

弋

毅

字唐佐州人金末隱於燕晉間元興遍訪名賢公應聘而出授山西提學致仕流寓覃懷歿後歸葬汝州詳榮墓碑記按舊志弋訛作戈毅訛作毅唐佐訛作唐祥太原路提學訛作大康路提舉今據採訪趙文運查明更正之

明

安

德

幼警敏博通經史舉元進士隱居不仕洪武初郡守舉爲州學訓導兵燹之餘家無藏書手錄以授生徒後以明經徵入對稱善擢湖廣左參政致仕祀鄉賢

王政

少有器局練達時務洪武初入太學累官兵部侍郎以材幹敏速奏對便捷爲時所稱

陳立

家貧力學用志懇篤寡言笑尙信義洪武初以太學生高等授江西左參議廉介自持遇事明決後入爲

應天府

治中

王本

永樂間舉賢良方正歷官句容壽陽二縣玉簿致仕祀鄉賢

任義

以理學著有勸孝錄性理要解行世洪武中選舉授廣西文福縣知縣陞四川成都府同知成化二年入

祀鄉

賢

滕昭

字自明正統中鄉舉授監察御史時四川都司有謀殺人獄累歲不決命昭往鞫之遂服辜及還超拜左

僉都御史憲廟嗣位進右副都御史總督漕運尋召

還佐理院事踰年巡視福建時寇鄧茂七據紫雲臺

爲亂昭相其要害立歸化一縣以蒞之未幾改命巡

撫蘇松諸處累遷兵部左侍郎致仕又二年卒于家

上遣使致祭之入祀鄉賢方應選曰余觀勝公何異
之暴也公事憲廟上嘗夢殿壁壞一人手撐之朝而
視諸臣公獨肖大喜起拜公豈傅星耶後公立朝碩
畫果稱上意庶寐不虛也近代以鄉舉起家九列者
如海公瑞艾公穆率奇節自見收功萬死而公第委
蛇得之不尤稱奇邁耶要知此三公者皆帝賚已

閻威

字民望爲諸生時慨然有志聖賢之學從河東薛先
生瑤遊不樂仕進正統間薦于鄉教授縣學訓導以夏
歸禫時復往從先生徙官貽縣教諭至則手書白
鹿洞學規以示諸生時陳生道朱生祥才而貧則居
之學宮督課之後皆成進士至宏治間陳爲河南巡
撫親爲文詣墓所奠哭其與子論學詩有爲山九仞
須加篋掘井千尋要及泉之句入稱爲理學云後二
子亦皆薦於鄉是可以徵威之淵源矣祀鄉賢

李行遠

字由邇洪武辛未進士西安府鄠縣知縣祀鄉賢

黃敬

字伯一永樂己丑進士任吏科給事中祀鄉賢

張紹

字繼之永樂壬辰進士性好讀書自建書院授徒日衆復好施與里中爲所濟者無算人稱爲義後任蒙城縣主簿陞長史及卒門人

私諡爲文淵先生祀鄉賢

王澤

字濟民正統己未進士陝西岐山知縣陞太僕寺丞祀鄉賢

王岷

字如玉正統甲辰進士廣東陽山知縣陞雲南大理府知府祀鄉賢

王預

字思誠天順丁丑進士仕至副使解組歸來清風兩袖居鄉方正謙退無仕宦氣遇歲饑煮粥以濟又設立義學延師教訓

多所成就祀鄉賢

王佐

字良弼成化壬辰進士任行人司副仕至雲南僉事祀鄉賢

盛德

字至善成化乙未進士任山東金鄉縣知縣祀鄉賢

姚綸

字嗣道成化戊戌進士任戶部主事陞員外郎祀鄉賢

王鼎

字汝調正德丁丑進士任直隸元氏縣知縣擢監獄御史清陝藩戎務巡按南直隸風裁凜然祀鄉賢

尹綸

字天叙正德辛丑進士任山西榆次縣知縣陞遼州知州祀鄉賢

馬德懋

嘉靖癸卯科舉人遂於理學當時競尚陸王之說漸近虛無懋獨崇紫陽所著有易解理學正統諸書遠

近從游者日衆入稱爲明德先生任湖廣寧鄉縣知縣祀鄉賢

丁堯相

字宗順嘉靖丙辰進士捐金代完大戶漕米并捐買驛馬入官里民李逢元等被入誣告至鬻妻子相捐

金周全又輸腴田百餘頃贖養士子多有游泮發科者任成都府推官祀鄉賢

張從易

庠生以子維新贈通政大夫性好施予歲荒嘗煮粥濟貧埋枯骨又置負郭田百畝以贖族人副憲公居

官清正敢言皆其庭訓也祀鄉賢

馬增

字延伯歲貢生正直不阿好施與任獲嘉訓導祀鄉賢

張維新

字憲周萬歷丁丑進士授冠縣令以卓異拜給事歷兵禮二科多所抗疏諫止內操摘發科場奸弊薦用言官鄒元標孟一脉等嘗奏改折漕糧大甦民困少嗜古性至孝居父母喪兩爲廬墓鄉國稱之立有生祠祀鄉賢附請改折漕糧疏臣惟人君創法期於宜民而已故法有宜於民者雖百世守之而非以爲泥法有不宜於民者雖隨時釐之而適以爲適易曰窮則變變則通通則久有味乎其言之也方今譚弊數者則歸漕糧而莫甚於小灘而尤莫甚於大河以南邇年汝洛梁豫間水旱爲災冰雹示異閭里成蕭條之景編氓起愁嘆之聲矧今漕弊若茲非所謂變通時耶臣先任冠縣知縣距小灘蓋兌衙門僅四十里且待罪五歷年所見一二計部司臣往往極力振刷而人玩弊業卒難清楚臣感時觸事而扼腕太息也久矣敢不以耳目所睹記者列狀上聞失戶部每歲題差司官一員駐劄小灘監兌東土中州兩省其在東土則收納本色出入水次固無釋買輓運之累在中州河北三府則本色居多交易甚少豈不敢輕議

惟開封河南歸德汝州相去小灘遠則千有餘里近亦不下五六百里有山河之險無舟車之便大戶一抵小灘其害有不可勝言者蓋河南三府一州大戶約有二千餘名非官運不可故各令府判領之而郡邑之中又有佐貳部之其中廉介罕違諸所廢耗率皆以大戶爲魚肉矣此謂解之弊也大戶庸銀到灘必投歇家借手斗戶接年歇斗之家射利得價營求充役或父爲歇家而子爲斗行或兄爲米戶而弟爲店主交通騙詐騰踴市直每米一石歇家明除牙用五分斗行三分仍巧立大行市小行市之名裏討外討之說計所得約二萬餘金而大戶騙留三月每名月費銀數兩計所得又一萬餘金矣卽今元城縣歲歇歇斗一千餘名意何爲哉細督人情若欲壅大戶之囊而羣然攫之者此歇斗之弊也先年大戶買米取足民間米無糠碎價無賒補比有龍斷奸販視漕糧爲奇貨以攪攪爲價衡有濫收潮濕紅米浮以乾潔勒價者有以水拌米希圖出息者俟大戶擁至竟限迫期始申同厥歇稟官增價購買抵數塞責更查

驗不堪損折筮楚大戶當之被鵠贖者業已轉膏去矣此種和之弊也語曰走兔在郊衆人逐之持金在市衆人睨之志在利也大戶賠銀既多勢必揭補而小灘有力之家又開一揭局每貸一兩價則倍之以致大戶敗家蕩產鬻妻賣子者十戶而九此放揭之弊也他若廢基之典負蘆蕭之搜求人工之費用城甲之盤剝門吏皂快之需索諸弊未易更僕數臣原籍汝州素號山澗荒涼之區而近復凋瘵困敝之甚視編一漕糧大戶不啻痾瘵乃身而穴居草食者皆思禳負而他避矣此臣之所目擊而心惻者卽汝州而開封等三府又可知矣臣愚爲今之計有二一曰改納折色二曰互相代納臣於去年十月見戶部一本爲財賦歲入日少歲出日多亟賜集議爲請奉旨漕糧准酌量改折暫行一年臣因思漕糧既可改折暫行一年矣而河南糴米之處不過三府一州漕糧之數不過二十萬石况久罹重困民不堪命其改折獨可後乎且臣聞太倉貯粟陳陳紅腐京軍類多不食賣於酒保止得銀二三錢回視小灘糴價減去四

分之二是民有重費而軍無實用也合無將開封
府汝州所屬每名大戶原徵銀九錢五分只以八錢
解納京邊照例以五錢給散軍士每名扣留銀三錢
二十萬石可扣銀六萬兩至起剝銀又扣四千餘兩
匪直救中州百萬生靈之害而亦大有裨於軍國之
需此改納折色之當議也臣又思大名一府距小灘
密邇陸運最便每歲本府糧草解京邊者十六萬有
奇皆本地粟米所變之價也開封等處大戶收銀小
灘買米皆大名所產之米也合無責令大名府以自
有之粟運納本色開封等處以大戶所收之銀解納
折色儻大名一府不足再於附近景州所屬量擬改
縣則銀數庶幾相當而兩省各得其便此互相代納
之當議也或者曰改折所係重大代納嫌於紛更臣
則以爲器久而不滌則垢絃久而不調則亂河南河
北皆皇上赤子本色折色皆小民膏脂識其弊而調
停之或舊改數年或間歲一改或斷行代納而兩利
俱存如之何不可也再照法令行於所轄則易而非
其所轄則難小灘大名一村落耳而其住居民人非

我練屬是以人不畏法惟利是趨晝爭夜盜無所忌
憚查得小難至臨清陸路僅一日之程臨清係山東
部下法行難易合無將監兌部臣移駐臨清懲前戒
後縱有一二作梗壞事即可下之郡守嚴加究詰而
弊竇自然洗却且可以停盤剝之徵此又區區無已
之計也伏乞俯從臣請勅下該部破格議處以儆地
方重困斯國計民生兩
有賴矣臣不勝大願

張以謙

字蓋吾萬歷乙未進士仕至都御史祀鄉賢

馬一豸

萬歷己卯科舉人有經濟才兩任海防姦宄肅清解
任後出己貲置義田以贖貧乏者里中人德之方之

富鄭公云

祀鄉賢

丁湛

字若水貢生為人沉摯有爲捐金千餘兩修學宮及
城隍廟凡人婚喪不及者助之祀鄉賢亦見義士類
字瀛齋貢生雄於財慷慨好施汝嘗崇禎末年歲饑
公出己貲煮粥濟入爲所活者不下數千人祀鄉賢

張繼登

國朝

吳治滙

字東卿順治丙戌進士敦重彝倫追崇古道刺血瘞二親之癩擇配全孤女之婚文昌祠宇獨任創建親舊貧乏多所贍給任安鄉縣知縣

陞刑部郎中廣西左江道祀鄉賢

張鳳鳴

字仲皆號箕碩順治己亥進士性至孝城陷時父骨在殯鳴於亂賊中不避鋒刃負骨埋葬持己端方不肯以私事干人後任景寧令寬仁廉潔士民感恩祀之祀鄉賢

任楓

字木菴號硯莊崇禎辛巳奉親避難寧家遷寶豐未幾流賊陷城迫脅不從元配王氏被執碎首完節楓中順治甲午舉人康熙丁未進士甲寅任山西靈石縣知縣多惠政陞內閣中書舍人辛酉卒靈石縣士民千里會葬焉居家篤於孝友以睦姻任恤爲心尤喜汲引後進著有輟錄史劄等書康熙戊子郡人請祀鄉賢張兩銘作傳曰公諱楓木菴其字也先世陽城人洪武初遷汝其六世祖義舉孝廉授四川成都

府同知掛冠歸精研理學得配饗學宮以鄉賢稱高
會祖俱爲諸生郡中尊爲祭酒父抱鉉公以副車考
授司理未竟其業而賫志沒公生而穎異垂髫時過
目成誦十五補博士弟子員屢試冠軍食餼崇禎辛
巳城破渡河而北寄跡胙城嘗言古來志士雖處窮
約當堅操守顛沛流離中正守身立命之原也讀書
益力時同避難箕頌公處於孟往來証學研理若不
知在亂離中處異鄉也歲甲午登賢書至丁未始成
進士授山右靈石令寬仁清介不殘一人不取一物
邑中巨豪搆於棺輒者每以朱提來求直公正色曰
爲民父母豈可以苟道自處耶暮夜之舉無汚吾耳
嗚呼公之行不媿古人矣靈石爲南北衝衢丁巳庚
午間軍需旁午供芻糗者無暇晷公調停保護民賴
以安庚申擢內閣中書百姓不忍公去赴院司借冠
卒不得留潏行泣而送者數千人甫歸里未及北上
而公遽赴道山矣里人聞公死皆哭之靈石紳民
白馬素車千里猶來弔賻非公之恩澤及人烏能
此哉公精於詩文兼工八法一時罕見其

於程朱之學所著有史勺一編瑣記二十卷行世所謂古之鄉先生沒而可祭於社者其在斯人歟其在

斯人

歟

屈有信

字遜公號窪西順治戊子拔貢生康熙甲辰任江西清江知縣陞行人司行人歷戶部主事癸酉卒郡人請祀鄉賢庚寅清江士民請祀各宦汝州學正孔衍禮作傳曰良士守經達人行權其理均也國事當倥傯擾攘之際漫無裁決守經無權何以見達人之節昔癸丑甲寅黔滇之變星沙失守江右西陲爲袁臨密邇星沙副將趙應奎時守袁長沙既失吳逆分黨羽取袁臨是時趙應奎以輕兵迎敵其衆固守宜春吳黨恨不得袁臨雖遽無如何然眈眈虎視趙孤立何以善其後趙報捷乞兵固以自計尤望官民之有以輔之也袁臨二守服趙之勇畧欲合士民請於撫軍以達於朝而袁臨士庶畏吳逆之凶莫敢署名持屈先生令清江臨守謀於先生先生日第取紳籍學冊聯名署之卽行申請誰敢譁者如其計朝議以趙

之忠勇加以總兵移兵以予之而袁臨遂僞豫章保障大兵在長沙與吳逆相拒五年其逆黨不敢東肆者趙之力也先生以權宜行事厥功亦偉矣哉後朝廷加趙以將軍蔭其子爲廷尉吳逆亦卒死於衡先生後以部員歸家墓親偶與余言及此事曰彼時若稍遷延事有不可知者蓋先生非自序其績特爲遇大事而不決者言耳先生河南汝州人諱有信字遜公別號窪西以拔貢考授推官會有裁推官之令投檄後改清江令其蒞清江也教養兼施風俗丕變江右理學淵藪先生集諸生講學課藝孜孜不倦時施愚山先生持憲江右駐節清江相與析毫芒剖利義嘗深躋之邑多虎先生下令捕一虎者賞十金獻虎者甚多虎竟絕跡遂有謠曰瀟水之涓虎嘯南山我侯澄止渡河潺潺其格人格物可見矣且賦性體慤多急人難有武弁以罌誤鬻女先生代爲贖之晉賈人以疑獄久羈江右先生憫其異鄉孤客爲酌給塗費遣歸里同郡張箕頤鵬先生硯席交也張後爲浙東景寧令卒於任官逋未結旅櫬難旋先生擔四

百餘金昇之以歸乙卯擢行人出使山東以助邊功
晉主事假歸還葬贈君及太孺人明季避亂寶豐賜
君死於亂軍遺骸無存先生匍匐迎太孺人歸汝未
幾卒藁葬淺土至是招贈君之魂啟太孺人之櫬合
葬於先塋之夾禮也然後先生四十年來啼泣徬徨
惟懼不得爲人子者情亦稍紓矣在籍補戶部未赴
任而先生已歸道出

未克竟其用惜哉

張兩銘

字去多號嵩饒高才博學擅松雪書法康熙庚辰進
士任松溪縣知縣下車首興學造士蘆草夙弊視事

五十二日卒於官

士民哀之爲立祠

羅仙文

字夢符號念東康熙戊子舉人授直隸曲周縣知縣
引見賜克食特調密雲縣知縣居官仁慈清慎

士民

感之

魯文楷

字正則康熙壬辰歲貢州守徐延教生儒誨人不倦
年八十餘好學益篤作文沉鬱頓挫後學奉爲楷模

屈啟賢

字敬止康熙癸酉例貢辛巳吏部會同翰林院在瀟
洲亭考試授翰林院孔目乾隆丙辰舉孝廉方正

張璧

字奎聚雍正癸卯拔貢績學工文嘗主汝陽書院多
所造就任羅山教諭勤於考課深得士心著有詩集

馬鉅

字俊公雍正拔貢爲人耿介端方任浙江黃巖縣丞
署江山縣事告歸閉戶讀書不事干謁士林重之

杜蒨

字仲菱號省室歲貢生住長阜里紙坊鎮品端學遠
人稱理學先生有某表先生諱蒨字仲菱汝人自署

書屋曰省室因號爲省室幼而穎異長益聰慧讀
一過不忘甫成童遊庠弱冠食餼歲科試每居首薦

以明經爲歲進士應授教職辭不就隱居授徒讀書
自娛春風龍山兩書院歷聘掌教學徒幾以千數四

方知名之士循循雅飭者皆先生弟子也歲壬子予
餽口於父城西之古杏花村初冬三世兄作德諸予

言先生墓碑未立以文見屬予愧學淺而義不可辭
迴憶親災時所見於先生所聞於先生及所傳於先

生者謹約陳之居常布衣蔬食處之晏如絕營競心
接人則藹乎其容無傲慢色宅近市往來館中必由

接人則藹乎其容無傲慢色宅近市往來館中必由

市過市人竊識之從未見其旁矚而暇視也教人以
經學爲先史傳次之藝文又次之剖析精明寒暑不
倦爲文則下筆千言倚馬可待諸子百家醫卜星象
無不縱橫博覽而知其要然終不以是自矜嘗謂士
人讀書必當有不朽處非僅以舉業畢乃事也故其
詩有夕夢郭林宗下床答我拜言人持氣節士品何
由壞之句可以知先生志之所存而行之所著矣他
若昆弟讓產捐金贖女盛德之舉未易更僕數也享
壽七十有九所著有禮記類編太極新圖新說詩賦
古文若干卷嗟乎生切泰山北斗之仰設深哲人梁
木之傷先生之德不借言以顯而言又不足以盡先
生畧述見聞勒諸牋頭俾過杜陵者如過董陵必下
馬云爾作

者失其名

何宗聖

字願也住魯一里康熙庚子科舉人不樂仕進設教
於家爲人排難解紛均服其盛德云

吳汝礪

字子琢住本城乾隆甲午歲貢生州守莊公贈以額
曰品端學優

馬超凡

字聖階歲貢生族親無依者養以成立爲婚娶給家資生平好吟咏著有蘭谷詩稿蘭谷詩續草俱刻傳

王文海

字希蘇住本城乾隆甲辰歲貢生就訓導職幼失怙事母孝刻志成立爲人忠厚明敏親族鄰里貧乏者時周恤之設館於家來學者不計脩脯一鄉稱盛德焉

盧金聲

字鳳來歲貢生設教丹陽觀三十餘年成就者甚衆今塋前立有感德碑記

馬玉堂

字位西歲貢生品端學博爲士林所推重設教終身及門知名者最多

張効

字廷臣乾隆丙辰科副貢爲人清正廉潔士林重之中丞雅贈以額曰清潔自好

余應祥

字天吉嘉慶十二年公舉鄉賢

任瑜

字君璧嘉慶十二年公舉鄉賢以上二人住余屯里採訪未詳事實

溫克恭

貢生任孟津訓導篤孝友人無間言嘗設立義塾申嚴教訓一境列門牆者皆醇謹端雅之士士林宗之

馬

喆

生員字畏齋骨鯁性生學行並邃精於古文詞以獨
造爲工所著作多膾炙人口從遊生徒散在四方者
人見其言論丰采卽知從周茂叔來兄弟析居獨取
澆薄地終身不問家人生產視名利淡如也惟敦古
處黜靡風嘗有富家子製新奇服甚都見翁出
卽屏去弗衣具爲人敬憚多如此住蓼花村

馬

庭

庠生字順菴性孝友文思敏捷下筆立就平生慕邵
康節之爲人與物無忤治家以身教俾子孫咸遵知
獲終身無疾言遽色雖事當倉卒而應之裕如事貞
端如母十餘年奉養備至教孫等皆成立以遐齡終
及塋汝伊洛登四邑之士執紼
而來者數十人一時里黨榮之

忠臣

司馬子長云死有重於泰山有輕於鴻毛是死非難處死爲難耳人生不過百年仗節死難之人千百世下猶勃勃生氣不磨而全軀保妻子之臣朽同草木矣魏鄭公願爲良臣不願爲忠臣爲臣豈必盡出於碎首割心但時際艱危成仁取義尤烈烈焉與日月爭光也顏魯公非官於汝而成節於汝有明諸生未嘗爲臣而明於臣死之義故首魯公而以諸生附焉嗚呼抗節一時揚名千古有志者可以興矣

顏真卿

德宗朝盧杞忌公以使事成節於汝之龍興寺州守白明義詩龍興浩氣亘長虹孺羣知有魯公藍面

宗汝作

錢祚徵

權奸甘誤國白頭元老拚從戎孤忠獨冠千秋表大節終全一死中俎豆於今常奕奕我來憑弔意無窮端修之姪孫也金正大末保山棚有功入守汝州城昭不屈死之贈昌武軍節度使見金史宗平叔傳後崇禎末任汝州流寇陷城不屈死巡按毛九華爲傳某誌云崇禎辛巳闖賊陷汝州州守錢公死之甲申既葬其子大受屬余誌其事夫剛述忠孝君子之志也况余忝附姻好殉節端未知之甚悉安敢辭謹起訖行述而誌之公諱祚徵號錫吾字君遠辛酉舉人仕至河南汝州知州城陷罵賊殉難死考其世系爲吳越王後居池州青陽有諱龍者洪武初遷於萊述家焉先世皆敦行力學之士公爲茂才一鯨公仲子一鯨公有兄璠一夔蚤卒無嗣以公爲後公方七歲奉村太孺人以居年十七補博士弟子員承歡無間以孝聞太孺人娛之幾忘其非所生癸丑太翁以考終家益貧處之泊如也辛酉公舉於鄉辛未杜太孺人終公哀毀如臨太翁喪數困公車丁丑復上春官不第以資當選或有勸公先容當事者公不屑以

僅得汝州時汝已爲流寇剽掠孔道旣之任會有土
賊數萬依山爲巢飄忽鹵獲民苦之各迎公遮道泣
訴公起曰賊之當在此時賊易吾新來必不爲備也
索軍籍合鄉勇衙兵得千餘人部署分屯郭內佯爲
駐守狀半夜親率兵趨間道穿踰山谷棄馬步行啣
枚越險數重抵賊巢賊方縱酒羣博倉皇未成列大
破之俘斬四百餘口羣賊皆斃公稔知賊甚衆覆巢
爲難計莫若開其自新使來歸也因悉宥俘囚釋之
歸乃亟著寨兵分練法法每千家築一寨寨白爲守
各寨白爲援賊至鳴金呼援頃刻百里皆集賊數出
侵掠皆失利去衆咸以饑疲爲苦會值縱囚生還備
道使君恩皆信服賊渠魯加勤等遂率衆降南召登
封諸賊聞之爭詣汝就撫公簡其驍銳送軍門効用
餘各給牛種遣之撫成鄰境悉平公守汝三年多善
政不能更僕數凡賑汝饑全活數十萬人汲引寒峻
力薦之上官摘發奸弊悉置之典法汝當殘傷敗亡
之後一二子遺賴公休息以不死民依之猶父母也
辛巳正月河南府陷闖賊勢益大張遂披猖以次下

各城左右有言迎款或脯資犒者公力斬以殉集衆詣城隍廟引血誓之汝人爭欲爲公効死遂各登城汎守是月二十八日賊進汝州雲屯蟻集不知幾萬人飛矢中公喉復中臂創甚裹瘡力疾無稍怠衆益感奮然賊攻日力砲矢如雨公親自督率隨方禦却之賊死傷枕藉將議拔營去忽於二月四日大風沙霾賊因風以火箭射城上頃刻烟霧四塞守者咫尺不辨賊遂乘火登城城陷公急呼役索冠服將就死未至遂被執公批賊痛罵羣賊擁公入營露刃以待特首逆欲屈公跪以刀擊公足公緩則踞地而坐急則仆地臥始終不屈旋又索印公厲聲曰朝廷之印汝賊何得索此於是首逆大恚叱左右引火煨鐵炭烙肌膚皴裂無完膚暈絕幾次少蘇則手動口張猶罵不絕遂於二月五日死時有汝吏爲賊所掠備道其狀如此豫撫高公聞公死事急檄汝人殮公僅具棺襯迎歸里而從公在汝者弟祖徵姪青并家僕十餘人皆死無一人返河以南先後死事之慘未有如公者公生於萬歷二十三年四月十三日卯時卒於

崇禎十四年二月初五日辰時得年四十有七元
羅氏於制得稱官人昭勇將軍指揮使羅公勲子虞
士衫女子一大受縣廩生娶鎮遠遊擊將軍李宗儀
女女一適江西道御史毛九華子庠生允齊先公蚤
卒卜於崇禎十七年四月初七日厝公於城東五里
莊之新阡夫公之仔汝也屬當蹂躪糜爛之餘風波
出沒荆棘于里孤城當賊衝者三年削平厥孽力持
顛危心血幾枯卒不免於重圍方斯時也疲癯而抗
煦時殘垣而當百萬外無蚍蜉蟻子之援而內堅百
戰免死之志泊城陷抗節罵賊被執陷以生不屈休
以死不屈慘以炮烙復不屈卒一死以報專城之任
痛哉何其壯也自公之死行間潰靡不復以戰陣爲
事而百彌當途譚虎色變作爲龔贖致賊一舉而復
齊梁再舉而陷秦晉據嚴關以窺畿輔宗社震驚而
所過守令爭相納款天下事乃不忍言矣嗚呼公忠
孝皎日視此輩爲何如也公子伯衡君淵博好古以
文章著名於時云銘曰誰謂魑魅而殞文星忠肝
胆萬古其馨維生烈烈舌電聲霆雜死赫赫頌立

塵是為忠孝之墓

以厝忠孝之靈

朱續川

係明宗室城破舉家縊死於丹陽觀東花園張志補

朱仕卿

汝州吏目徽州人明末城破與州守錢公同時殉難事見天中景行錄朱志補

顧王家

汝州吏目浙江仁和人撫賊有功當遷汝人乞留賊犯州縣往助邑令李貞佐守城城破貞佐罵賊支解其王家亦破執大聲罵賊亂刀砍死事載明史李貞在傳乾隆六年州守宋名立置主祀忠義祠

李愷

字可八年八歲有神童之譽十二歲補弟子員旋食饑明崇禎十四年闖賊攻汝城愷從州守錢公守城時城中乏食愷殺耕牛餉士城破愷妻溫氏投井死愷被執罵賊遇害尸僵立不動賊驚避去同時諸生殉難者愷最烈前志未詳今採訪其從孫廩生李本蕃所輯家乘補載見宋志

嬰城殉難職官生員列後

崇禎十四年李自成破城死事

張行遠

指揮僉事遼東人

錢繼美

指揮使汝州人

譚國政

汝州衛鎮撫城破曰吾世受國恩肯辱賊手乎闔家自焚男女老幼俱死

梁翰臣

百戶

陳建功

百戶以上職官

李 寰

庠生平生仗義城陷命妻張氏同女先縊火焚其室尋自縊死

吳熊相

王綱言

郭如嵩

又見孝子門

吳鳳來

樊之美

王統定

劉 清

陳獻奇

祁 珍

王 事

楊俊彥

事詳孝子內

劉鵬程

陳獻咸

李化龍

怯邦傑

尹阿衡

李日暄

李奎光

怯發然

溫珍

劉嗣賢

馮明世

吳繼黠

吳士璘

楊俊秀

李日榮

夏燦

閻希聖

李見龍

溫象鼎

王吉昌

張英

陳輔辰

潘祚宏

祁月

王基鞏

黃圖昌

王

賜

事詳孝子內

以上諸生皆視死如歸不肯苟全者不能悉事而紀僅錄名焉

孝子

語云求忠臣必於孝子之門既仕爲忠臣未仕必先爲孝子然孝之道至不一也鐘鼎致饗菽水承歡亦各竭其力而已汝墳固遵化舊邦天性在人世不乏孝思維則之士而庶民一旦發於至性亦有爲人之所難者如刲股雖不載令典以視夫勃谿相向乖舛難言者其相去爲何如也存之亦足以勵未俗表醇風故並著之於篇云

類考叔

爲潁谷封人聞鄭莊公以弟段之故誓不見母因有獻於公公賜之食食舍肉公問故曰小人有母請以

遺之公感悟遂爲母子如初詳見左傳州守白明義詩由來至性本天成忍使君侯忝斯生補過終教全

骨肉分恩可許乞極羹一言願釋黃泉誓百世長留
青史各純孝於今稱不置雖入景仰有餘情

沈宣

母亡既葬不塞墓門二十六月晝負土夜閉棺而臥
爲墳廣八尺妻高氏亦有孝行宋元豐中賜粟帛

孔叡

孔子四十六代孫葬其父廬墓三年臥破屋中日食
米一盃壁間生紫芝數十本州以孝聞特賜旌表亦

見流寓

黃覺經

江西南城人五歲因亂失母稍長誓天歸佛願求母
所在渡江涉淮行乞而往備歷艱苦凡二十八年行

至汝州春店遇之元至治

中旌其門見元史舊志無

張維揚

明貢生係鄉賢張從易之子葬其父望雲山廬墓三
年

錢文科

性至孝父歿廬墓三年郡方伯張維新贈以詩料藥
天不滅蓼莪哀小結茅廬傍草萊風急愴神攀墓樹

日沉飛夢繞泉臺新栽日護牛羊牧上瑞時看

郊兔來聖主只今崇孝道旌書應下白雲隈

錢丁言

文科子母年七十餘病篤醫藥不效言於夜分時割股和藥以進病旋愈壽八十餘州守申其事院司旌

獎有錢氏世孝碑在東郭外文科

齊正戊申入忠孝義祠宋志補

馬

駮

歲貢生母卒廬墓二年躬負十培塚高丈餘手蒔栢楊成林前署牧馬驛表其門宋志補

王五成兒

居荆河灌園食力事母以孝聞夜半羣盜突入五成格鬪圍母身被重傷血流滿地呼號而亡聞者

悼嘆孝廉王敦紀作詩以哀之詩云崆峒奇杰氣鍾

鏞荆水滸嗟哉王孝子竭力治園菽水奉萱堂瀟

灑忘勤苦宴爾甫四月孝養倩內輔寒冬冰雪厲凄

風吼村塢倚母待安寢入室方扃戶突如羣盜來執

母加捶楚鐵鑊驚魂魄噉噉裂肺腑不顧床頭妻視

死輕如羽裸體入重圍那畏斤與斧奮力挺鋤杖擊

賊三與五身被數十鎗捍母左右股賊衆蜂蟻屯挺

刃亂如雨厲聲叱強梁某某予讎女賊懼貽後患刃

腹穿腸肚淚濺孀母襟血流荆溪土羣盜方退避其

時夜正午呼母又呼兄氣絕首不舉嗟哉王孝子有

力猛如虎母氏幸無恙憑伊威且武賚志目不瞑飲恨復含怒罔極恩未報留與阿兄補身殲仁已成驅捐義可取蔡順與江革伯仲堪

比數年未滿二旬孝自足千古

王 賜

廩生行止端方崇禎十四年流寇陷城執其母賜曰吾母也寧殺我挺身自刃遂并遇害

楊俊彥

廩生崇禎十四年流寇陷城彥守父靈柩不去哭告勿損父靈賊憐其孝未加寸刃卒苦守數日絕飲食

死於

柩前

郭如嵩

貞士鵬飛之父庠生天性至孝平日婉容先意務得親歡及父卒泣血三年未嘗見齒母病則禱神請以身代至於宜室家樂兄弟睦鄉里

無非本孝而推之者城破死之

何天興

割股愈親廬墓三年

柯兆祥

濟源人父騰龍康熙甲戌避難出爲僧時兆祥年十八尋父歷少林慧善風穴請剎至湖廣金頂不遇歸省母欲復出訪期必得忽聞在金頂星夜奔往不遇由襄江徧歷諸寺走金陵西湖至普陀見父所題詩冀得遇遍訪不得閱九年歸侍母一載康熙壬午自梁入趙入晉至五臺不遇歸二載己酉入陝至華山又經九年終不遇二十三年中家居四載東西南北徧歷各省十有九年呼天號泣自秦返豫甲午六月抵汝州風穴寺過自在菴見一老僧約畧形似數叩之僧但云我住風穴十一年矣又問則不應祥歸家偕其姊往物色之果其父也抱而泣迎以歸兆祥三子長達善雍正癸丑進士選庶常次復善三樂善乾隆丙辰同榜舉人人以爲純孝之報云事見雅撫憲彰善錄昔元黃覺經春店遇母今兆祥風穴遇父二者並傳山

川借輝矣

姚景隆

廩生性至孝年十一寇陷城刃全母年十三割股愈父士民公舉旌閭

閻瑾

生員事父母至孝及歿廬墓三年

朱光先

康熙九年割股愈母州守劉表其門

汪應麟

廩生秉潔之子父歿母張氏病屢殆應麟憂痛無聊遂引刃自割其左腕烹而進之托言虎肉可以愈疾母食之旋愈時康熙二十四年十二月六日也鄉黨公舉孝行州守羅公賜匾獎之曰穉齡奇孝後督學王公試汝賞其支拔為童子冠康熙三十年母復病應麟懇禱關帝願以身代精誠所感母疾漸愈而應麟遂恙作矣屢勸延醫弗願也遂於康熙三十一年正月內病故時年三十二夫割股奉親非不至孝乃不在獎旌之例得毋慮其毀傷乎至於禱神祈代母疾以愈寧使母疾愈而已身可以不存非樂死也恐以身代之言不信於神而其母或復病嗚呼可謂誠孝也已

割肱愈親京縣二十九年州守王表其門

陳諫忠

王康泰 年方弱齡割股愈親人嘆其至性過人云

姚自得

事母孝家貧嘗僱身於人爲更夫以所得之值供母而已嘗忍饑州守趙表其門

李坦

字均平監生少失怙慟哭幾絕事母望色承顏常得歡心時患痰病坦用陳醋塗腦以口吸之數十日痰盡病愈歿後哀毀骨立人皆稱之亦見義士

樊淮

少秉至性待父母疾心力交瘁嘗祝天願以身代及親歿哀幾喪明兄弟分產甘取其薄者嘗捐助薪米勸人讀書其嗣子紹卿甫弱冠食餼膠庠年逾六旬連舉二子人以爲孝義之報云

張大儒

住魯二里九歲母亡事繼母程氏以孝稱母病危大儒割肱肉以進病旋愈

張名山

住鰲頭村性至孝母病劇凡可以竭其力者無所不爲兄早亡遺諸姪家貧山以舌耕養親撫姪邑人咸以孝友推之

余萬嵩

字奠中號靜園監生住余屯里余官營生二歲而孤

事母劉氏以孝聞孺慕出於性生寶邑李觀察遊於

人慎許可獨於萬嵩折節下之謂可以勵俗表風

云子五人長式周監生幼魁五優廩生以能詩名

陳通

字建宇住本城家貧少失怙稍長備勞筋力爲母謀

養殮之資母患癰症通對天泣禱願減己壽以益母

年凡侍奉飲食起居不假他人手十餘年無怠志其後子孫昌大皆其孝行所積云

高崧

住南關以孝聞其父建極年四十得疾疾調治不愈

崧奉侍湯藥歷三十餘年無怠志鄉鄰稱之州牧張表其闕崧生子二長守仁

次全仁亦克承父志云

馮維清

生員住鰲頭里幼有聲於庠後以親老多疾遂輟舉

子業專侍養孝行著鄉曲並能黠族胞叔遺二子皆

壯年相繼歿婦寡子幼清引爲己任奉嫂撫諸姪成

立郡人稱孝友焉卒之日公立碑村南以旌之

張汝修

從九職任鰲頭里事母能色養母嘗疾危不解衣侍

數十日又病瘡吮之得少解母終哀毀過禮貌憔悴

幾不可識。弟胞兄汝爲如父異變時悉舉美產以贖兄父健鄰爲一鄉善士修亦承志樂施義行不可枚舉復以村人耽飲博爲作戒

賭斷酒說誥誠之村人悉化

楊 琬

字輝之家貧力耕養母每炊熟跣勿輟必俟母食畢始歸食恐母或顧子不肯屬屢也妻王氏亦能竭力佐琬孝養母八旬餘失明琬夫婦相繼歿子名聲代琬養善承父志每食必求鬻肉進顧力不能給稱貧幾遍鄉里而一已時有菜色或有持兩千金贈名聲使治生以養祖母名聲因家貧不敢受方錯愕聞其人留金去踪之竟無所

得人以爲誠孝之報云

楊克長

字元亮監生善事親母歿父老失明每曉夕上食必親奉器側立視父箸所向移器就之性敦謹生平未嘗有疾言遽色人以爲順德所著妻路氏亦能佐成其孝以子貴贈奉直大夫路氏贈宜人入祀節孝

周恤之壽

八十有三

唐新業

字振寰天性淳篤行重一鄉康熙四年有屠牛馬舛者買耕牛欲殺之過業前牛跪而鳴觀者如市業憐之卽償其值送風穴寺收養每值諷經牛跪聽後牛死瘞寺前以志異

潘周鼎

妻喬氏幼失怙恃偕一弟賴祖母撫育祖母嘗積銀八十兩同氏埋穴中人無知者及適鼎祖母已歿舉其事以告鼎鼎曰喬姓之財斷不可取爲潘姓有也後喬氏弟及伯叔貧乏謀欲鬻宅鼎命妻至母家出穴中金予之保留遺宅族人欲以金分給之氏不受其夫義其妻賢足以風矣

武

璧

郡廩生性篤友于其父先以姪瑛爲嗣後生璧家漸落瑛念子女衆多爲累願歸本生父與璧商璧曰我忍得田宅失手足耶叩首痛哭廢食者累日兄亦不忍去璧請憑親族願與兄永遠同居日子女皆吾骨肉也豈以多爲累哉輕財物

而篤同氣亦人情所難也

郭應選

州吏員嘗契買人地既而憐其鬻產無依焚其券將地給還族姪郭從貴幼孤撫養成立代爲贖產每遇歉歲出粟賑饑鄉黨賴以舉火者數十家牛何兩姓以家貧不能嫁娶厚助之至於修橋梁施義塚種種善行尤膾

炙人口云

翟天爵

字樂善精於痘疹概不受謝父有執友貧老無依養事二十餘年喪葬如禮同族希孟夫婦死無以葬爲買二棺遇有橋梁傾圮卽謀修葺之州守戴表其門曰善行可風

馬善學

農民慕義急公道拾林姓遺金還之又劉姓負晉商欠情急投繯學力救得甦並完其負村鄰有欠官穀不能還者代輸之平牛如白言事如修理寇萊公祠並設義塾教誨村童九其行事之表表者也

張勉

字懋修性耿介以孝聞父歿事繼母如所生與弟同居友愛人無間言有妹適陳氏子漸憐外出勉迎妹至家撫養其甥成立皆曲承母意也

崔儼然

武生性伉爽豐於財鄰里待給者四十餘家不吝解推里人稱之

吳士珩

字金石康熙戊子恩貢老成典型爲齋長時嘗倡捐於校士院重修桌椅完固倍昔至今生童咸頌之

陳貴彝

住人一甲樂善好施康熙六十年歲大饑力施餽粥以救餓者全活甚衆又於汝水捐置渡船以濟行旅

鄉鄰咸

稱頌之

連錫

住陳家里庠生好善樂施嘗於本村建一茶亭捐貲施濟康熙五十八年生年八十復捐已地二十餘畝爲燒茶資以垂永久州守徐批免差役並雜孤地段銀兩俱載碑記

伍于寧

天性純篤敦友愛家貧爲人傭工兄于廷老邁于自忍飢寒供兄衣食無缺爲弟子容娶妻繼又爲之練絃于則鰥居數十年雍正

九年署州守馬表其門

張生文

慷慨好義父元業將歿請父遺囑父曰汝旣成立所憂者汝姊寡耳妻父後取已地一頃召姊婿及甥至

家憑中立
券慨與之

王國柱

庠生素性秉公仗義有襄陽王化民寄居汝州西關買田廬撫義子王一魁爲嗣及化民夫婦相繼歿有王姓數家逐出一魁瓜分田產柱爲鳴之于官諸王姓屈服立有同姓不宗文秀州牧付柱收執維持一魁成立毫無所私又何姓母子三人孤寡而貧有匪人詭計自登封拐至汝州將賣之遇柱於途母子泣訴苦情力救之得不離散其義舉類如此其子敦紀及長孫朗俱登賢書仲孫昭州廩生李孫陽州增生雖修善不望報亦足以勸爲善者矣

李可權

州武生嘗以銀假王姓未還王歿後家貧甚其妻范氏勵志守節權憐其孤苦不索前欠又贈莊基一處俾氏得以棲身紡績事翁撫子盡孝完貞皆權之助也鄉人義之

趙紀

監生性至孝好施與母亡哭泣喪明踰年始愈有里民李世泰與紀同病目家貧紀貸以粟爲出三十金

延醫調治之且亦復明州守

張士果表其門曰孝義可風

馬 懿

字天錫事親孝教子與孫有方兄亡遺子四人皆賴撫養成立親族有貧乏者有求必應鄉里義之年八

十有二

宋志補

郭 甲

住存汝里監生其父郭應選善行已載前志甲於雍正十二年施仁智堂地三十二畝善承父志里黨稱之

宋國順

字和字住劉家里性仁厚康熙時嘗獨行曠野攜筐拾白骨埋之年久成塚澤及枯骨爲人所難雍正八

年旌至今咸呼

爲宋善人云

張起元

字長公仕趙落里性慈祥族黨中有子女失養者收恤之並爲嫁娶者數人雍正四年有孫朝元家貧其

父溺水死無以爲殮張聞之市棺收殮並給葬費乾隆

六年中丞表其門

康 泰

住長阜街好施濟嘗於本街捐置倉房兩間貯穀備荒雍正九年州守王表其闈

郭天篤

住向二里樂善好施雍正七年
施重福寺地三十畝有碑記

胡紫芝

州廩生先是其父出繼馬姓受田百餘畝屋一區後
馬生子胡木宗無嗣芝曰馬氏卽有腴產寧貪此而
使本宗絕嗣耶遂還產歸宗舌耕養母孝義稱於閭
黨乾隆庚申撫憲雅表其闕題名彰善坊

姚溶

監生性好施有欠其二百餘金而貧不能償者卽焚
其券此乾隆三年事也里人至今稱之

王嘉圖

吏員祖宏基父鳳翔世以孝聞嘉圖兄弟五人嘗相
謂曰兄弟和則父母順父母順則天地格而子子孫
孫勿替引之矣其家子姪八人諸孫十六人諸曾孫
又八人合男婦六十餘口男耕女織嘉圖綜家政內
外曲當六世一堂雍穆無間乾隆庚申撫憲雅表其
闕題名彰善坊亦載彰善錄

郭振芬

性慷慨有鄰人高登爵母卒無以爲殯厚賻之并收
養登爵夫婦不使仳離

席汝璧

住春店街慷慨好施其滿甥任天相孤苦無依汝璧
撫養成立爲之完娶並給地二十畝地基一處凡外

來孤客歿而無歸者俱助棺
埋葬之州守戴廷梅表其門

唐瀛

監生居心平幼喜爲人排難解紛有欠其地價不償
翻作無禮狀者瀛置之不較人咸服其量州守張士
果表

其門

牛進

好施與嘗捐貲救人之急見有貧無以葬者厚賻之
州守趙公霖表其門

李倬

少失怙恃事繼母如所生並爲兩弟延師課讀均得
入庠又叔祖李天生家貧年老倬奉養以終

吳盡忠

少孤母疾日侍湯藥歷久不衰族祖母年邁無子資
其衣食每遇歉歲輒出粟以濟鄉鄰今活甚衆

馬超凡

性生慷慨好施凡遇人急難不吝解推其周卹里鄰
不可枚舉嘗置地八十餘畝並建倉房貯糧備賑人

咸重其

義云

羅一玉

性醇篤敦行誼乾隆乙丑登進士兄嫂早亡撫教孤
姪羅元食餼又妹氏歸韓門貧無立錫爲營室給產

以資衣食族人仰給者尤多他如收殮骸骨捐施

王森

監生少失怙恃事繼母以孝聞又養孀姑鄭氏終天

不能葬者慨

何天德

年逾四旬無嗣以五十金買妾憫其年幼卽爲擇配

常可祿

兄可福早亡嫂李氏失明一姪俱年幼可祿躬耕養

之一鄉服其義舉云

閻光奇

事母至孝性謙退凡事讓人尤好義舉嘗捐修汝河

范成章

事親以孝聞遇人借貸不責償嘗捐地以濟貧無以

李增瑞

孝事繼母讓產與弟以博親歡人以爲難且好善樂施一鄉稱重

張起元

爲人醇質好義族中子弟貧不能讀者捐資助膏火嘗契買族姪之地一區憐其貧給還原約不責償有鄰人耕犁無主孤墳元卽捐貲買之以安枯骨他若救災卹患尤不可殫述云

孟士友

性醇樸以孝友聞喜勸人爲善尤不吝解推嘗假張姓高姓三十金貧不能償焚其券不索值焉每遇歉歲悉傾所有以救餓殍全活甚衆撫憲雅表其閭

李炳元

性慷慨好周人急里黨有貧者被商索欠將賣妻以償夫婦旦夕哭元詢其由出資代完之他如軫恤行人代輸倉谷義舉尤未易

更僕數也州守趙霖表其門

陳識

字慧生監生家非素封輕財好義嘗於汝河設置渡船又陳家莊南獨修石橋一座往來稱便他如助楊法之娶妻幫溫順之殯殮善行未可枚舉嘗戒子姪曰爾等只要學吃虧劫莫討便宜此真先賢格言也

武志清

字天一疎財尚義嘗捐修楊家樓及泰山廟石橋以便行旅鄉鄰貧乏者有求必應不吝解囊

王長庚

字西有里中子弟貧無以讀者嘗置義學一所親爲教誨親族貧老無依皆收養在家又施棺捐地以轉

暴骨人

皆德之

王偉

字碩甫考縣丞職父病奉侍備至有爲人所不能爲者又嘗睦族濟貧或給田屋或餽粟米或收養在家

或代完風欠義舉尤不可殫述州守趙霖表其閭曰

惠我窮黎

楊聖詔

字爾介胞伯乏嗣貧老無歸詔迎養在家立叔子聖貴爲其後給田產使奉祀焉叔敷錫生子聖基聖業

後避荒歿於南陽貧不能返詔備路資啟視歸並爲

兄弟完娶已而析居分給田產俾資存立鄉鄰義之

字子閑武生性慷慨好施予康熙中嘗出穀賑饑全

活甚衆並捐修橋梁等事一鄉稱之

馬上襄

李埃

增廣生性醇篤好義舉嘗捐資千兩重濬渠道巡道歐陽表其門日利濟粉榆

村 崕

儒童賦質醇懿好施予其叔房院契賣於崕父已有年矣崕念堂弟之貧代爲營運且增修房屋仍舍房住前後約助五百餘金里黨稱之州守張士果表其門

李 明

字亮宇其先陝西郃陽人後居汝盛德可風北里黨婚葬無資者悉助之無難色康熙五十年州守創建關帝廟欲得一老成者董率之明以公舉司其事矢公矢慎出納無欺餘貲五百金乾隆七年重修大門十年又修拜殿建石像及碑樓厥費已有款無盈子武生克承父志乾隆三十一年重修樂樓州守張士果表其門

王 景 義

字守方瘁生少失怙恃事祖母甚孝撫養弱弟成立嘗迎養孀孀於家而以胞弟爲嗣分已產給之尤好拯恤鄉鄰培養子弟里黨咸推重之州守張士果表其門

陳 運 泰

字茂寰孝子陳運子也嘗出資完人婚姻有困於喪葬者解囊助之助失怙恃賴兄嫂撫養成立後其兄

病瘵連秦事奉不衰尤亡後事穉如母以長子從仁承嗣數十年總無間言且家法整肅誠子有方次男體義食館郡庠三男從禮授貢生四男從智亦補弟子員皆循循雅飭蜚聲藝林人以爲孝義之報乾隆庚寅州守莊贈以額曰德星重聚楹聯云四座風生無愧杖鄉杖國一門星聚允稱難弟難兄

劉子繩

重義輕財有陳周史三姓共欠子母七百餘緡貧不能償繩臨歿囑子火其券聞者義之

伍子瑤

事兄于字味不獨食夜必同眠善處鄉鄰好行施濟書親製丸散救人之病里黨稱之

焦振德

性純篤有寡姊家貧無度振德迎養在家並撫其甥成立爲之完婚一鄉推重

馬良貴

字雲菴太學生爲人重義輕財嘗出嗣二門而義篤同胞無間爰愛所得嗣產三類皆分給諸弟毫無所私其鄉鄰有吉姓者闔家將飢死良貴出資令其行運謀生家得小裕人咸義之

任紹祖

庠生事母以孝聞諸兄皆貧苦生養死葬獨任其事仍與諸兄合爨友愛之稱人無間言州守味名立表

其門

李本修

素敦孝友母歿時其季弟生方五月修有女亦在襁褓中令其妻將女寄養於人而乳哺弟嗣後教養成立皆兄嫂之力也爲人善排難好周急凡修建橋梁成人婚娶無不傾囊助之州守宋名立表其門

孟繼曾

字再傳庠生性慷慨尤篤友愛鄰有婚嫁不給者施予絕無難色鄰人驚于於人卽爲出資贖之堂姪女少寡而貧有勸之改適者爲捐己產以資養贍而保全其節焉其子倬己游庠食餼亦有父風云

楊太正

生員煨之父也廉潔自好嘗拾金子道訪得失主還之不受謝

閻 琚

住臨汝鎮輕財重義嘗於賴橋道上拾金五十兩訪得失主還之他如郵太康之流民母子不至飢死濟朱姓以粟米夫婦得以生全以及設學誨人施藥療病其善舉殆不可縷述云州守張士果表其門

崔 昌

庠生性慈愛嘗於冬月施衣施粥賑濟貧民歷久不倦州守文昭表其門

唐玉章

住本城誠懇樂善嘗領已囊助人婚喪之費一顰目
爲善士州守宋名立表其門

高遷

住魯一里嘗有拾金不昧之行又於廟下街西大路
捐修石橋二座以濟行旅人咸稱之

馮焯

忠誠好善克敦友于嘗毀借券以恤窮黎並立學延
師以訓里中子弟之貧乏者州守張士果表其里

樊好功

太學生好善樂施嘗念灰河泛濫難涉捐資建石橋
五座俾行旅免徒涉之虞州守張士果表其門

王模

庠生性循謹不苟同居五世孝友可風鄉黨奉爲楷
模焉州守張士果表其門

黃梓

歲貢生仗義疎財有魏姓貧不能娶梓解已囊以助
之人咸義之

趙延弼

太學生賦性醇篤好施予嘗置義地五畝以濟無學
可葬者他若捐義倉之穀助外姓之棺善舉甚多

督憲尹燮其門

並見彰善錄

李坦

字均平太學生慷慨疎財有族人食指浩繁遂割廬
溝街山場并地百餘畝以恤之他如完郭姓之逋負

全朱氏之夫婦始見義而必爲者州守趙霖嘗贈以詩云古道與人情若揭高懷愛客榻常懸萱堂色養能無忝燕翼貽謀

洵可傳亦見孝子

李本先

字雙槐爲人尙信義施予不吝念汝河冬月朔涉嘗出資建木橋二十餘座行人稱便其餘資負恤寡尤嘖嘖人口云其子絲克承父

志凡遇善事亦毅然任之

李松

住本城樂善好施乾隆五年歲饑病多死捐施棺木紳民義之上聞州牧文表其閭

陳太貞

住丁屯里乾隆初年歲饑疫癘大行路死者甚衆嘗施棺木二百餘口乾隆八年州牧宋表其閭

賈永祿

住余屯里地爲犖水所經舊有石橋一座久廢乾隆五十三年永祿捐資重修行人便之名爲賈公橋州

牧張表

其閭

李泮

李大贈之子布經職樂善好施嘗於趙落街建立茶亭一所以濟行人州牧董題其額曰潤側茶亭以其

直隸州志 卷之六
三
克繼父

志也

楊玉正

住歸仁里嘗於岳嶺下窪捐建石橋一座其子又重修一門好善乾隆六十年鄉里立碑以誌其德

杜維慈

字仁普住牛王里素有義聞乾隆五十年歲饑臘月中偶至本里丁家村見一丁氏兒未週三歲飢寒將死問其鄰乃知父逃母嫁爨爨無依遂懷抱至家撫如己出名曰玉屏授室後與之田三十餘畝住宅一所玉屏至

今尙存

張振基

字孟麟監生好施與嘗於村南渠水上與弟培基捐建石橋兩座行人便之至今不病涉焉

王復雲

山西潞安人僑居半札街經營雜貨家以小康乾隆壬午年捐資於本街創建關帝廟並施香火地二十餘畝又施義塾地二十畝樂善好施雲其有焉

魏

係弟兄住歸仁里捐入半札街關帝廟地七十畝有

魏 係弟兄住歸仁里捐入半札街關帝廟地七十畝有

魏 係弟兄住歸仁里捐入半札街關帝廟地七十畝有

樊光彩

住歸仁里乾隆己亥在半札街關帝廟前添建樂樓
三楹有碑記

張典

住熬頭里世業岐黃施舍藥餌活人無算鄉里義之
贈以額曰杏又成林

陳誥

字風宣住小屯鎮鎮西舊有南北通衢地勢窪下每
當雪雨泥濘行人苦之乾隆三十一年誥捐三池闢
一通衢又於邨北新開車路一條以利往來鄉里慕
其義豎碑爲文以記之

葉永緒

字亢宗貢生住葉家營慷慨好義莊東西乃往來大
路時爲應水所阻乾隆四十九年緒獨建橋一座名
曰通濟又於西偏建橋一座名曰濟美共費錢四百
餘緡又有族姪婦許氏孤苦無依收恤在家或以粟
借人遇貧苦者卽
不責償鄉里稱重

周貴宗

監生住周家莊好善樂施以本莊街道狹隘凡商農
車輛過此多阻乾隆七年貴宗捐宅基餘地改成大
道以便往來又施地一區創建大帝行宮拜殿三楹
鄉衆義之上聞州守宋各立贈以額曰樂施不吝

丁成

字寧泰住牛王里農民也農事畢每以修橋補路爲務一日在紙坊鎮補修西大橋路拾杜程萬遺銀百餘兩成知爲杜之物追而還之

此乾隆五十六年四月事也

路瀛

住路家寒幼孤貧事父母至孝嘗負販以資菽水每遇隆冬由汝抵寶歷石河及山王河見老幼病涉意憐之慨然曰吾輩少饒裕宜成此善舉後家稍殷富遂疊次創建石橋三座家資幾耗其半壽九十有一性純厚貿易糧食爲業每至不計償直概爲付與被人積欠錢五百餘緡自焚其券悉置不問人盡德之

李永祿

字百齡住向一里好善樂施乾隆三十七年六月旱甚禱雨於村北玉皇山獨行至廟旋被甘霖又風穴

李如松

寺凡有工程必捐資首倡沒後僧衆感德鑿洞肖像於桂香菴東偏立有碑記

董金生

住在一里廩生乾隆五十年社正磨萬箱例應更替欠有倉谷三百餘石不能完繳生與摩姓爲中表親慨然獨任賠費四百七十餘緡又董姓仲謀貽謀與生同姓不宗係舉人董位東之子生之世兄也父歿

後貧不能讀生延至其家供饌豐腆勸誨懇勤兄弟
二人次第俱入郡庠閭里義之

連承先

字紹衣住陳家里好施予年四十七無子其妻劉氏
以百金爲之買妾妾至見承先跪泣道其夫歿家貧
姑老子幼之狀承先惻然憐之厚贈遣還不問身價
未逾一載其妻卽舉一子曰賦後生孫四俱業儒承
先享年八十有四其長孫登朝已入州庠此乾隆四
十七年事也

李恭

字子敬住紙坊鎮監生性質樸尤篤友于其兄謙早
亡遺寡嫂弱姪恭善撫之嫂黃氏以旌表入祠姪太
雲已歿武庠堂姪與恭分爨者數十年家俱赤貧合
計五十餘口難以存活恭皆收養在家且爲之完娶
各承宗祧

鄉里義之

王者盛

住新樂里康熙十七年於泰山廟前捐建樂樓三間
乾隆十二年其孫猷年重修道光十年其二孫家安

重修

郭文儒

住丁屯里乾隆二十九年州守命修渠道欲得公道者董率之共舉文儒首事各戶出錢有差文儒獨捐百餘金勸成此舉工竣

本道歐陽公表其門

郭思明

住丁屯里充膺社正矢公矢慎值歲歉貧戶欠穀尤多追逋甚亟思明乃出己穀代完之鄉里稱義舉焉

州守宋表其門

李天定

住趙落里監生性剛直敢為有魏氏女適黃姓遇歲歉夫家欲鬻以自給女胞叔以金贖之歸未逾月叔以倍價強嫁許姓未至許門天定知之以義責許許懼即令女母領回仍歸黃姓夫婦得完聚焉

劉世泰

住趙落里監生樂善好施遇暑月施茶水以供行旅後恐子孫不繼建立茶菴施地十畝以垂久遠

閻乘機

字御天住存汝里乾隆八年二麥將登集市閉糴機將已地熟麥三十畝令人自刈以濟貧乏鄉里德之

萬居所

住魯二里性樂解推有同里楊姓者童養一媳年荒欲賣之居所代為收養將笄歸於楊成夫婦焉里黨

義之州守
宋表其門

張健齡

住鰲頭里一鄉善士也性醇厚好善樂施乾隆初歲
饑齡開倉賑濟鄰里賴以存活者數十家又二十年
有洛陽王姓者夫婦避荒懷抱一子寓村南益窪村
霖雨連月虧欠店貲乃賣妻得銀二十五兩正並
時齡適過此詢其由惻然憐之卽歸取二十五金以
償並引王夫婦至家厚遺之河南府尊表其門

丁化孝

字行基住牛王里好善樂施乾隆十三年捐貲首倡
於本村重修關帝廟三楹泐有碑記

周海潮

字望若住魯二里職員慷慨好施嘗於本村獨建便
農橋四座並捐地十二畝召人耕種以爲夏月施茶

之需今已

十餘年矣

李裕

住魯一里與子鑑俱樂善好施嘉靖十三年於玉羊
山前二里許創建觀音堂一座並施香火地六十畝
本朝雍正六年其裔孫李養性重修乾隆三年裔孫
李元會又重修故人稱爲李氏堂云

王廷選

南關人好善樂施有宜陽李姓表明寄住南關欠人銀三十兩貧無以償欲鬻妻不忍舍去相對慟哭無所爲計選詢知其由慨然出貲代還俾夫婦得完聚焉鄉鄰感其義上閩州牧莊表其閭

梁鈺

字荆也監生好義舉行重於鄉舊置仁普堂時鈺襄辦之力居多州守戴重其人獎以匾曰功勤宣惠

周致

住周家莊好善樂施本莊南至長營街約長五里路隘甚行旅病之乾隆五十年致首倡義舉糾及監生周貴宗等各將路旁已地開成大道以便往來

黃紳

字公垂住大張村古壽承鄉習岐黃業尤精痘疹不計貲人請輒往尤好施予凡有公舉率捐貲以爲舉倡嘗於本村施義塋地一段創建泰山廟一座勸於嗣歿後遺腹生男卽監生漢章也能繼父業鄉里賢之

任守玉

字荆野住潘厖里乾隆四十八年施入崇寧觀宅院一處香火地二十餘畝立有碑記

馬景堂

住金溝里善人馬善學之曾孫也克繩祖武嘗於女廟中栽柏樹二百餘株前牧董鞞碑於廟以嘉之且有拾金不昧之行人

以爲不愧祖德云

潘英

南關人家貧好善其子亦善承父志英惟以平治道塗爲事本關郁文橋東西兩岸坑坎最大每建甬集行旅病之英囊土糞沙不辭勞瘁數

年始平鄉鄰義之州牧熊表其門

劉仁

南關人生平重義輕財關外西臨洗耳河每逢夏秋暴漲往往流入街中行旅病之仁輒捐己產開渠一道俾退水有所歸

宿永免冲决之虞

王廷璋

卽王官孫監生克紹祖德年逾四旬無子以百金買妾未婚女泣道其苦情璋遂稟於母收爲姪字馬姓厚奩以嫁之次年其妻卽舉一子乾隆五十九年州

守王表其門

楊克舉

住西關長於醫頗精方術凡患瘡疾者刊門卽出藥調理疾愈不受謝如是者三十餘年鄉人咸以善士

稱乾隆乙丑州

牧莊表其門

余輻

武生住余屯里乾隆十一年重修謝家營白衣堂施地一段共六畝有碑記

曲自和

字藹然例貢生住余屯里好義舉晚年闢地一區建立書院未成事而歿其子充早世孫三人長孫合德爰承祖志剋日鳩工置學舍十九楹輸地三頃餘工既竣前粵東南雄太守魯山葉慧業合德外祖行也顏其額曰同人書院至如寶豐之忠義祠本州之鄉賢祠亦皆自和歿後合德昆季捐貲協成其他善舉尤不可

悉數云

全大清

住丁屯里嘗捐資鋪趙官營東大街石路一遵繼興感之公建彰善碑記

杜吳氏

住丁屯里乾隆八年嘗捐資於趙官營建石橋一座里人德之立碑彰善

郝宗揚

住廟下職員幼貧用長習賈致富嘗於本鎮中嶽廟左創修瘟神殿一所廟右修財神殿三楹山門外修

改石階二十餘級人

咸稱其樂善好施云

趙克勤

字建侯住余屯里監生乾隆二十八年在本村設立學堂額曰龍岡書院其四世孫庠生來龍聘學田學舍勒石以垂久遠今來龍胞姪身修克繼前模彌加培植鄉里咸推服之道光二年州牧韓旌其門事詳書院

類

張永健

住鰲頭村武生性豪俠兄弟七人健居三析居後獨五弟貧健分貲助之乾隆五十年大饑親族多賴其周恤焉至若解紛息訟領橐完婚以及修廟築橋之類其善舉尤多云

馮吉

住鰲頭里監生性至孝親病衣不解帶者月餘村中舊有三教堂吉嘗率眾輸貲改建廟宇以安神像而移佛像於妙水寺志在崇正學也村東灣闢帝廟舊有地畝爲他廟侵去吉勸里眾量力捐貲得錢七十餘緡互相經理迄今三十載除每年供香火外已置公地六十餘畝本擬置地二頃建立義塾乃志未遂

而效里

人惜之

美成美

爲人醇質嘗於土坑中拾銀一百三十兩知係商賈盜匿被商知求之不得幾自刃美聞之曰吾安用此

不義財遂

龔之珍

住南關開設旅店雍正丁未春有曲沃客張燦宿其家次日早行珍于榻下拾七十金知爲張所遺也張晚宿時始覺回至珍店慨然還之張願分以半不受

州守表其閭曰義同還帶

滕

驥

奉祀生鄉少司馬昭七世孫也家最貧耕司馬祭田數畝度日一日自滕村歸道拾遺金一封守其處其人果涕泣至乃鄰村邢雲龍鬻產餘以葬其親者詢

其數符立還之督憲王公表其閭曰無慚先德

胡起龍

治庖爲業其子方十齡道拾遺金十三兩歸白其母母曰貧困吾家命也苗覓失主還之起龍歸與妻子見同訪失主還之州守王旌其閭曰一門好義此與

滕驥皆雍正十三年事也

傅誠

雍正八年春備童傅誠早起就塾拾金九兩待其人至還之不受謝間里交器之署州守表其

曰髫齡好義未

冠入庠有文舉

趙有仁

乾隆五年有唐生者醉遺銀十五兩於肆中里人趙有仁拾之次早覓唐還之堅不受謝州守表其門

李貴麟

居城東石家莊道拾莊民石可仁遺銀三十餘兩還之不索謝

辛青

住丁屯里途拾遺金百兩人無見者後有屈姓尋至慨然還之在乾隆五年

張學書

住西關明末人樂善好施國初創建報恩寺一座寺在演武廳東北詳碑記

牛飛鵬

在車渠鎮開設旅店乾隆四十年秋有客人張鳳嗜自楚來遺店中錢三千六百文飛鵬追至七里餘還

之謝以貲不受詢其名以去乾隆四十二年春忽有耀州知州遣人送以額曰古道猶存楹聯云拾金不

昧惟良士行路於茲德友人及詢其由來乃知前客張鳳嗜卽耀州知州張鳳鳴之胞弟也

吳全

住在一里乾隆二十二年途拾過客行囊約重百斤比容尋至原物交還並未啟視客義之上聞州守張

贈以額曰

不愧青天

傅全

住人一里務農爲業乾隆五十年十一月黎明路拾遺金二百餘兩坐守以待久之客尋至詢與所遺符

悉以付還

人咸義之

靳元貞

生平仗義疎財嘗代友人呂天順償債三十餘金又於乾隆五十年接充社正領倉穀三百八十四石有

奇歷二十餘稔屢遭荒歉里民力未能償嘉慶八年

元貞如數賠完悉焚其券

陳定

住本城乾隆六年道拾遺金百餘兩揭字尋主乃係山西商人蕭樹滋所遺慨然還之州守宋表其門壽

至八

十五

張嵩靈

住河南衛乾隆五十年歲饑賑濟貧民嘉慶十八年其子振宗振拔捐助賑本道富表其門

陳鴻聲

陳貴彝之孫也善孤祖志嘉慶十八年大饑流凶道嘗買一幼童恩育之及長焚其券縱之歸又道九十三年貿易南陽遇歲饑見鬻女者憐之出銀百餘兩買五口攜歸囑家人曰吾義女也不得與僕同視及長皆擇配而嫁之

入咸補其盛德云

賈尚秀

賈永祿之子監生好義舉大有父風凡親族有急難者周恤之嘉慶十八年歲大饑餓孳遍野施粥舍棺生沒均沾其惠州牧能設廠賑饑尚秀首倡捐粟時本道富巡省及之表其門曰爲善最樂

馬進德

住丁屯里偶見產婦露處徐公橋側因念此係南北通衢去市集尙遠遂捐貲於橋側建屋二所一爲茶亭每年三伏施茶一爲育嬰之地嘉慶九年其曾孫監生馬純嘏重修之魯山合張爲文勒碑以記其事字仲篤監生嘉慶九年奉旨市鎮絕糧乃捐貲向廣賜賑米以歸減價平糶其貲五百餘金鄉里共賴之

張培基

字觀光監生爲承緒長子江棟爽嘉慶十九年歲大

葉朝

儻有胡守藏者家不舉其妻日矣以宅院一所踵門

求售朝給價銀三萬餘金。家賴以存活及歲豐而
守祿殲遺母子。其孤苦給還原契且時加
周恤焉里

人義之

白 臣

住江家凹嘗拾路遺五十餘金有鄰商趙姓來訪數
符歸之嘉慶八年事其孫坤納監人稱節義之報云
監生住水峪里輕財好義嘉慶七年捐百餘金重修
北門外石橋

高學成

李大贈

號瀾側監生住紙坊鎮敦孝友好施與其父遺言以
婿家貧爲慮贈體父志慨然自任廬墓後與弟大定
卽束召姊婿張蒼璧暨甥鳳翔至憑中立券授腴田
百畝義聲遠近焉弟大定早亡遺二子俱幼贈撫
如己出延師課讀長姓滑食餼後援例出貢歷署夏
邑鹿邑等處儒學次姪泮亦援例捐直隸州州同加
二級地封奉直大夫堂姪增生紹杜分饗多年家貧
歿後無以爲喪出貲助葬嘉慶二年楚匪猖獗鄉里

震驚贈出粟百餘石修
築寨垣一村恃以無恐

趙榜

住臨汝鎮嘉慶三年路拾遺錢五十兩失主尋至還之

張應辰

嘉慶十八年大饑州守熊設廠煮賑應辰捐銀二百五十兩助之

郭士培

住向二里職員品行方正嘉慶二十四年十月途拾票錢四十緡訪失主還之不受謝

王廷幹

字良弼庠生住南五莊性端方好義舉嘗設家塾以訓童蒙不計脩脯里有婚喪不給者助以資嘉慶間汝水暴漲溺死者甚夥爲施棺木寄埋義地人尋至更厚贖之至於收買字紙蓋終身不替云壽八十有五鄉鄰表其門

曰先民典型

傅堯先

住人二里好善樂施嘉慶十二年將高家莊已地十一畝香施入張家寨關帝廟以爲香火之資

王家安

字濟美州同職嘉慶十八年充膺本里社正領倉穀三百九十餘石年荒盡以賑饑至二十年如數賠墊

入倉督學
吳表其閭

戴彪

住歸仁里監生嘉慶十年於本村葺閘溝獨建石橋一座行旅便之

辛有榮

住魯一里唐家店其村乃東西大道也村西卽官莊鎮鎮東有乾河一道凡水發常向南流嘉慶九年六月間暴雨傾注山水奔湧直向東流自管莊至唐店東大路盡成石溝行旅病之有榮年近六旬每日攜籃運石挑土補葺凡水發後率以爲常道光九年壽終計修路二十六年人皆以善人目之

魏森

住存汝里嘉慶十三年貿易於魯山縣二郎廟街道拾楊客遺銀二十八兩候客至還之

李振南

字德華住丁屯里增生嘉慶六年寶邑翟家集教匪猖獗州守令其親率鄉眾驅逐匪類事平中丞馬表其門曰義勇可風並於本莊設立家塾遠近從遊者一十餘人多所成就

樊克振

字公拔從九職住潘厰里樊河坡爲人質直好義嘉慶十八年春大饑捐粟數十石以濟村鄰之餓者人咸德之

樊克用

住潘厓里嘉慶二年捐修永興寺東西兩廡計費四百餘緡

楊文選

住楊家樓事親孝色養兼盡家本素封父樂善好施惟命是聽父歿後事母益恭嘉慶十九年歲大饑輸粟至城協濟賑務承母志也二十三年捐修文昌閣道光七年創建黃龍廟十一年在西關帝廟重修廣生殿計前後所費不下千餘緡而意自灑如也至其解橐完婚捐金助莖種種義舉尤不可縷述云

蘇定和

住趙落里州同職樂善好施嘉慶十五年於四龍廟獨建廣生殿三楹道光十年於本州城隍廟施香火地十畝俱

有碑記

淡來章

字文昭住魯二里千總職嘉慶年間嘗於本莊北捐建石橋又與杜姓重修三善橋俱有碑記

魯崇喜

字天眷住魯一里仗義疎財嘉慶辛未歲饑曾以四十七金典高姓地五十餘畝甲戌歲稔高游手無業喜憐之給還原契不責償及歿其妻毛氏尤好施與凡窮乏者有求必應乃知喜生前義舉多賴內助贊

成云

馬卓羣

字子超馬金瀛之生父也篤孝友好施與嘉慶十六年移建學宮躬襄其事十七年捐建石橋於村南之兩渠交流上名曰濟民行旅便之十八年大饑州牧熊設廠療荒卓羣傾貲助賑並於本村每日給餓者麵一甌賴以存活者數百人熊牧製文以彰其善壽八十有五子金瀛克承父志不愧盛德之後云

李祥

住丁屯里道光十五年九月途拾遺銀九兩餘守候失主至詢明數目即還之

吳法才

住水峪里貿易爲生道光十一年三月曉行長營嶺路拾票錢百餘緡失主尋至驗票付還謝以金不受

趙嘉修

住孫屯里道光十一年九月路拾州城陸茂順遺金百餘兩還之不受謝

汪清一

住沈屯里千總職道光十六年六月蝗飛蔽天嘗與其弟監生汪瑗率人晝夜捕除秋禾得以無損前州守楊表

其門

劉貞

住陳家里道光三年十一月晚過龍興觀街路拾甲
差李春明票錢七十四緡又銀九兩餘春明尋至始
明其數慨

然付還

李相武

住安樂里道光十一年三月間道拾票錢二百餘緡
失主尋至如數還之亦不受謝

翟顯

住河南衛嘉慶十八年冬十月嘗拾遺銀三十兩卽
還失主

李桂聯

字捷秋住本城輕財尚義廣交遊家不中貲而座客
常滿道光六年任姓建烈女坊助銀十八兩十六年
修節婦祠並建總坊又捐錢三百餘緡尤其義舉之
彰彰者州牧楊表其闕

彭鰲

字占魁捐布經職住人一里慷慨好施嘉慶癸酉歲
饑煮粥療貧全活甚衆乾隆五十二年大疫施棺百
餘口捐地埋之嘗呈懇前守達恩免本里支官農車
里人德之州守楊表其闕

葛文魁

住丁屯里道光十二年捐錢二百餘千獨修八里營
石橋一座

韓兆成

字孔集監生住長阜里好善樂施嘉慶癸酉歲饑捐粟賑濟道光庚寅州守董修城捐貲督工十二年復於東關外施

義地二畝

李泮

字芹采住長阜里嘉慶癸酉歲饑捐粟協賑道光十年州守董修理城垣分任督工始終不懈

靳西周

住楊家樓康熙四十年捐地三十六畝爲張家寨汝河木橋修補之費其地卽令橋夫賃種舊立有碑已

廢道光六年

重勒碑記

丁賓賢

住本城性醇謹好善樂施東甕城中舊有關帝廟以歲饑捐毀始盡嘉慶十九年捐貲二百餘金獨修完

整勒有

碑記

徐諾賓

字誠然監生住余屯里以孝聞性溫厚好施濟嘉慶三年捐修觀音堂一座有旌善碑可攷

馬雲翼

字漢飛縣丞職任虎搖頭街豐於財設立家塾延請名師凡來學者假以資斧毫不吝惜所成就者甚多

如廩生魏越唐儒

華其尤著者也

馬冠羣

字魁多住虎搖頭街於嘉慶二十三年督工創修培風塔一座在三山中峯後被雷火損壞其孫監生冬

鳴獨力

重修之

張問懷

從九職住鰲頭里孝親睦族堂兄問誥喪妻遺一子甫五十日懷憐其無依付己妻鞠之成人授室于田又嘗與鄉第凡里之有志而力不給者皆使就業如是者十餘年不衰

馬松林

栢林

住鰲頭里兄弟並業岐黃精診視有聘之者兄弟同造互相質証故療病恒十不失一兄弟皆

不言謝人亦不之謝知謝之勿受也譽滿鄉里嘉慶十五年州守熊並給匾額表其門

馬金瀛

字砥洲住虎搖頭街少習舉業不售援例捐禮部司務行走三年奏留本部兼精膳司事補缺後奉諱旋里卽優游林下不樂仕進爲人疎財仗義凡州有義舉罔不踴躍爭先如補築城垣續修文廟創建節孝

坊劉猛將軍廟等工皆捐重貲以倡首而又身肩其任者也現修州乘刻汝帖賴其力尤多焉年七十餘精神矍鑠前州牧楊贈以匾式曰修德永年并叙其生平義舉以示獎勵云

黃漢章

字天文號蘭亭監生住大張村古壽永鄉義士紳之子也性揮霍喜周恤有厥父風且見義勇爲如補修文廟城垣壇宇節孝坊皆努力輸貲爲衆倡前州牧楊額其門曰望隆桑梓

楊岱

字觀東捐職布政司經歷世以孝友爲鄉人所敬仰性敏好讀書藏書至數萬卷常捐貲刊丹桂籍惜字律功過格等書癸酉歲大饑岱傾橐貲貸戚友待以舉火者百餘家年餘無間然前學使者姚文儋尙書書楹帖贈之曰朗矣清懷若初月惠然和氣是春風

楊岸清

字鏡湖庠生性恪謹樂施予業師王家貧月給粟以養之數十年無少間先後捐錢二千四百緡有奇增春風書院膏火普濟堂養贍及補修城垣部使者程大中丞以樂善培英額其門並上其功德獎資復

馬立本

以捐修十坦義舉獲邀議叙其他義舉尤爲不可枚

數歿之日里人鑿錦勒文彰其善復榜其門以爲高
榆里著有家訓數
十條刊以行世

尉培化

捐銀六百兩

尉培經

捐銀四百兩

以上共捐銀一千兩

楊鴻清

捐銀一千兩

楊淮

捐銀七百兩

韓殿魁

捐銀五百兩

王忠信

捐銀五百兩

趙煥章

捐銀五百兩

蘇會洲

捐銀五百兩

馬立本 捐銀二百三十兩

李生華

捐銀二百三十兩

以上共捐銀一千兩

尉晉美典舖駁

尉培化 捐銀六百兩

尉培經

捐銀四百兩

議欽八品頂戴

以上共捐銀一千兩

都司 楊溯清 捐銀一千兩

候補訓導 楊淮

捐銀七百兩

韓殿魁 捐銀五百兩

王忠信

捐銀五百兩

趙煥章 捐銀五百兩

蘇會洲

捐銀五百兩

汪慶番 捐銀五百兩

監生 彭鳳翔

捐銀四百兩

監生

楊泰來

捐銀四百兩

監生

樊錫齡

捐銀四百兩

張東銘

捐銀四百兩

楊 汴

捐銀四百兩

王古稀

捐銀三百兩

監生

馬冬鳴

捐銀三百兩

韓登瀛

捐銀三百兩

韓登雲

捐銀三百兩

李本直

捐銀三百兩

兵馬司
指揮

李 濤

捐銀三百兩

李 相

捐銀三百兩

縣
尉

李本種

捐銀三百兩

張文海

捐銀三百兩

監生

張鵬習

捐銀三百兩

張鵬舉

捐銀三百兩

楊萬景

捐銀三百兩

馬臨書

捐銀三百兩

王忠恕

捐銀三百兩

樊鳳書

捐銀三百兩

王正巳

捐銀三百兩

儀泰源

捐銀三百兩

周華封

捐銀三百兩

韓鳳來

捐銀二百五十兩

王廣傳

捐銀二百兩

監生

韓治

捐銀二百兩

賈殿會

捐銀二百兩

監生

馬善鳴

捐銀二百兩

魯振嶧

捐銀二百兩

邵景關

捐銀二百兩

李盤銘

捐銀二百兩

樊俊庠

捐銀二百兩

陳文忠

捐銀二百兩

楊萬重

捐銀二百兩

黃用修

捐銀二百兩

劉錦章

捐銀二百兩

韓復茂

捐銀二百兩

韓健

捐銀二百兩

葉雲台

捐銀二百兩

監生

毛定

捐銀二百兩

李東瀛

捐銀二百兩

李芝源

捐銀二百兩

韓金和

捐銀二百兩

樊辰亮

捐銀二百兩

以上共捐銀一萬五千八百五十兩

監生

邵景爽

捐銀一百兩

監生

曲珊德

捐銀一百兩

武生

樊一元

捐銀一百兩

州同

樊鳴台

捐銀一百兩

監生

黃源

捐銀一百兩

監生

焦元森

捐銀一百兩

監生

岳仙齡

捐銀一百兩

武生

宋一元

捐銀一百兩

監生

丁杰

捐銀一百兩

監生

閆岳

捐銀一百兩

監生

黎象震

捐銀一百兩

廩生

尙慶筆

捐銀一百兩

監生

張鵬翮

捐銀一百兩

武生

杜金魁

捐銀一百兩

監生

辛鳳

捐銀一百兩

監生

于廣施

捐銀一百兩

蘇善業

捐銀一百兩

監生

張書常

捐銀一百兩

馬景段

捐銀一百兩

監生

王振乾

捐銀一百兩

沈雲升

捐銀一百兩

監生

韓溫

捐銀一百兩

監生

秦溫

捐銀一百兩

監生

傅桓瑞

捐銀一百兩

州同

蘇定和

捐銀一百兩

李相勳

捐銀一百兩

監生

劉聚仙

捐銀一百兩

監生

蘇全禮

捐銀一百兩

尙炳

捐銀一百兩

監生

王文海

捐銀一百兩

監生

楊光祖

捐銀一百兩

溫銘元

捐銀一百兩

監生

高文超

捐銀一百兩

監生

計法五

捐銀一百兩

監生

馬福

捐銀一百兩

監生

袁好修

捐銀一百兩

監生

李振鐸

捐銀一百兩

監生

相振性

捐銀一百兩

監生

周桓

捐銀一百兩

監生

周杰

捐銀一百兩

生員

周文燦

捐銀一百兩

史再謙

捐銀一百兩

陳和順

捐銀一百兩

監生

郭起鳳

捐銀八十兩

李天鏡

捐銀八十兩

生員

張立常

捐銀五十兩

蘇定業

捐銀五十兩

以上共捐銀四千五百六十兩

通共捐銀二萬二千四百一十兩

看碩

養老乞言之典何為乎尊其齒也崇有德也夫富貴壽考安必一人兼而備之哉苟有裕明德享大年足以坊表於一鄉一邑間者是皆

朝廷之所寵榮而亦閭里之所矜式也彼爵秩可不必論矣爰得採而著之於篇

明

夏良能

舉人夏禹瑛之父封文林郎加封承德郎鄉飲大賓

吳守節

進士吳治之曾祖壽九十五鄉飲大賓

吳學時

壽九十鄉飲大賓

馬昇

舉人馬德懋之父封文林郎鄉飲大賓

國朝

汪承乾

恩貢齒德兼尊兩舉鄉飲詳仕宦

李士標

歲貢孝友可風舉鄉飲

田華

舉鄉飲

張有德

字育生孝友可風康熙丙戌公舉鄉飲

路遐齡

年八十康熙丙戌鄉飲見貢生類

張鑑

年八十二雍正己酉鄉飲見貢生類

閩事言

字鳳行 住存汝里廩生 補行端方 淹貫經籍 尤善詩詞 教授生徒 成名者四十餘人 七十二歲赴千叟宴 欽賜御詩一首 貢緞二疋 紅絹一端 春綢一端 萬年藤杖一條 荷包二對 歸里後 猶好學 不倦 人稱耆筵老人

馬定

住存汝里庠生 爲人剛正 兼精拳勇 乾隆六十年八月 十歲赴千叟宴 欽賜恩貢 並鳩杖銀牌 住楊家里 乾隆乙卯與千叟宴 壽八十有

朱珩

孟藻江

字鑑堂 住本城 乾隆戊申科中本省 解元 大挑 授教職 補陝州訓導 生平儀表修潔 制行端嚴 好古文辭 凡所撰著 悉根本六經 子史而步武於遷固 蘇韓唐宋 以下 勿屑也 嘗授徒於風穴山 並掌汝陽書院 四方知名 士多就之

者壽七十有三

王月峯

字懷鎮 嘉慶己巳歲 貢任新安縣 訓導 素行端方 兼工書法 現年八十有八 致仕家居

馬雲聲

字震來住牛王里增廣生學問淹博善啟發後學及門列黌宮者前後三十餘人尤工醫術用藥多奇效嘉慶十八年歲饑撫一路棄女孩比及長而嫁之其盛德類如此壽九十有六

張文海

住在二里廩生精研理學壽七十有八

宋士魁

字春光乾隆丙午歲貢生爲文好先正授徒四十餘年及門列膠庠者甚衆手訂養正小草二十篇壽七十有

傅應吉

字謙六住余屯里歲貢生以舊籍魯山入縣學工書善屬文其子若孫家學淵源多蜚聲贊序間生平多義舉洛陽諸生王命甲貧不能讀遊學來汝應吉愛其才留而教焉命甲遂於乾隆丙午科掄元又嘗獨修七世橋費不下數百金

士林重之壽至七十有五

王永福

住鰲頭里傳家忠厚世德相承生五子壽百有七齡恩旌五世同堂長子元義年百有三歲復旌五世同

堂次子元奇年八十三子元第年九十一四子元晉年八十三五子元善年七十九其孫元奇之子璠年百有一歲元義之子憲嘉慶十五年卒壽亦九十五一門俱享高年洵爲 盛世人瑞

陳 鉞

字範九住安樂里爲人敦本睦族排難解紛壽七十有九鄉中稱盛德焉其子長居太生員現年八十有五次子居程監生現年八十有三子居嵩監生現年七十有六克承父志皆享遐齡

楊春芳

字旭東住人一里學粹行端家雖屢空晏如也歲科試輒列前茅設教邑中從遊者甚眾壽八十有九

尙臨嵩

字維嶽住存汝里增生學問淹博精四子書啟發及門成就甚眾其子長夢書登賢書次夢筆食廩餼皆庭訓也爲人耿介樸實沒後門人

私謚曰介樸先生壽七十有一

李盤根

字茂柯住劉家里歲貢生生平溫厚簡默其爲文有歸胡金陳風力耄而好學千餘言頃刻立就學者宗

之壽七十有三

劉天文

住在二里掛讀傳家尤得接骨妙術凡踵門求醫者輒應手奏效壽八十四至今子孫三世猶精其術焉

吳光熙

字容庵住在二里忠厚傳家年八十胞弟光顯光星年各八十四

孫振拔

字卓然住向一里武生善騎射汝郡中武科者爲其門下居多侍衛張同道武舉蘇登科兄弟其尤著者也壽七十有八

侯有秀

住人二里壽九十有五州守蔣表其門子四人長子山年七十八次子昭年七十六三子章年七十二四子亮年六十八俱存

張履新

住古二里爲人恬靜寡言無失德讀書每以不得其解爲恥壽至八旬鄉黨賢之

甄大士

住慕義里好學不倦喜爲人排難解紛鄉里咸畏服之壽八十有五

黃燦

字子鑒住潘厓里幼習拳棒長業岐黃旁通相法子平且好善樂施凡遇地方公事無不量力捐資孫勤

脩自脩至今猶奉行不怠云年八旬康熙三十年蒙
賜壽官壽九十有三

祝天貴

字德一住梁家里務農爲業事親至孝好善樂施閭
里稱之壽八十有五

姚建章

字心嚴住朱家里耄而好學八十歲入泮八十一歲
蒙賜恩榮

胡敬之

字浴光住沈屯里天性孝友昆仲四人昇居長父歿
時遺命同龔遂終身不與諸弟析居里中共推盛德
壽九十有一兩

陸際昇

字宜菴住本城精醫術壽九十有六嘉慶十一年督
學鮑表其門子待用醫學典科州守熊董二公表其

門日青

尙士祿

字宮儒住沈屯里事親以孝聞立心仁厚里人共稱
盛德壽七十有八恩賜壽官

郭義

字宜菴住本城精醫術壽九十有六嘉慶十一年督
學鮑表其門子待用醫學典科州守熊董二公表其

門日青

陳鴻相

字臨關住楊家樓性剛正不阿好爲人排難解紛鄉里推重之家甚貧然遇有善舉無不竭力襄成之分州萬表其門

壽七十有七

張邦傑

住鰲頭里性孝友壽七十有五

張中嵩

性剛直工醫一介不輕取與年八旬猶矍鑠不衰

封天爵

字仁公住在二里別號臥雲道人精於畫淡墨山水寫意尤工年八十有三

楊星霖

字沛菴住在二里監生年八十

盛文

字煥章住孫屯里幼時傭工餬口其後稍有積蓄廣行善事凡寺廟橋梁諸工無不量力捐貲壽八十五住聖王里素行忠厚壽九十有五乾隆三十七年州

斯士一

守莊表其門

丁廷第

住人二里爲人正直里中有鬪者一言卽解鄉黨善其人公舉約正壽八十有二

李新 住朱家里好善樂施壽七十有八

李東銘 字警齋住本城監生植品方正足爲後學楷模壽八十有一

李學孔 住聖王里好善樂施壽九十有三

王思聖 住在一里監生素行醇謹乾隆二十年經理仁普堂諸務秉公盡力三十餘年人皆推服之壽七十有七

朱訓 字欽若住魯二里爲人忠厚里黨稱之壽八十有八

朱克敬 字肅菴訓之子也植品端方里黨欽服壽九十

楊方穀 字旣菴住本城庠生品學兼優從遊甚衆鄉里稱之壽七十有七

邵漣 住西關勤儉克己忠厚待人壽九十

武金櫃 住西關賦性孝友制行端方嘉慶乙丑前州守熊表其闕

郭璠

字子玉住存汝里監生精岐黃活人無算壽七十

尙培

住存汝里秉性寬厚古道照人少習儒業未售士林惜之壽九十兩蒙恩榮

曹秀

住人二里性耿介教子耕讀勤儉治家現年九十猶康強如故云

邵臯謨

監生忠厚傳家端方植品壽八十有三

翟嵩

住河南衛克敦孝友人無間言壽七十有六

李基

住河南衛孝友可風鄉里稱之壽八十有五

淡則久

字悠遠住魯二里輕財好施壽七十有五

董王

字沛霖住丁屯里生員植行端方壽八十有六

王博典

字芸臺住存汝里增廣生員輕財好施壽七十有八

名馮守倫

字敦五住鰲頭村庠生學問淹貫授徒多成名居家尤以孝友聞士林重之壽八十有二

趙行泮

住存汝里詩禮傳家壽九十有九

李友善

住金溝里授徒爲業晚年精於醫術壽八十有四

趙士麟

住存汝里性仁厚教子孫皆成立有食餼者壽八十有九

張慶祿

住存汝里賦性醇謹隨行端方壽九十

李珍

住古二里行誼端方一鶴推重壽九十

馬甲午

住沈屯里爭親以孝聞尤好施與親族多仰給焉壽八十有九

馬卓羣

字子超號吉槐布經歷職住虎橋頭街在三山前修茶亭一座每逢溽暑施茶三月至今仍之年八十五歲

名流

裴行儉曰士之致遠者當先器識而後文藝然則文采風流之彥何以稱焉顧古來純儒積學往往出其餘緒亦足以表見一時矧夫慧業前修奇才獨賦或經窮邊腹或學富曹倉或薰班馬香或摘屈宋艷精神所寄翰墨皆馨忍使琳玉之光華而竟隨雪泥以飄沒乎

劉庭芝

唐詩名家

姚綸

明人多題詠

張維新

明人多詩賦

馬士龍

號起潛庠生才氣超邁爲文下筆數十藝立就粹然皆經史之腴隆萬後學者爭以昨註爲高獨能理守程朱法遵王唐年七十餘郡士大夫家猶設絳帳俾多士師之一時稱文宗焉

馬堂

號洛南萬歷戊子亞魁某密公銘其墓曰文冠中州兮士類景仰

張鳳鳴

國朝人善詩

任楓

善古文詩詞兼工書畫著有風穴志詳鄉賢

溫湛

字子虛康熙丙寅拔貢生齒方齟卽通音律性不喜華靡與人交淡而彌永讀書手不釋卷隆冬盛暑不爐不扇作文濡墨疾書若不經意而豪邁之氣溢於楮墨間蔣莘田文宗校士畢出訪覓其四壁蕭然琴書自娛嗟嘆

良久而去

溫詩

字爾雅歲貢生植行端方績學淹博爲文力追先正尤精春秋三傳工書法入顏柳室性和藹善啟發後

學及門之士科貢膠庠先後五

十餘人康熙甲戌分輯汝志

馬璋

字上玉貢生才學高華尤工書法嘗設帳伊洛汝

馬程

字南州廩膳生孝友成性品學兼優爲士林所器重

馬又周

字唐卿庠生性聰穎讀書過目成誦善書法得松雪

馬靖

字逸菴生員少穎悟器量宏深承家學之淵源窮漢

洛之奧妙應童子試時距服闋僅一日卒不赴試其

制行類如此一時四方

馬振垣

字金城廩膳生嗜古好學有經濟才人與接鄙吝潛

消康熙戊子學使湯西崖少宰校士臨汝時追隨唱

和以廟廟期之年不稱德未五

十卒著有臥雲堂詩稿行世

毛鶴章

字尙綱生員力崇正學著有洗心集

徐克家

字令子增廣生員好讀書博覽多識善啟發後學及門入膠庠者四十餘人有著作傳世

王 墀

字對宸號麗堂乾隆癸卯舉人善撰記多題詠著有松雲齋詩集魯山各進士潘公業雅賞其文爲製序待梓尤

工書法

尙夢書

字丹篆號蓮溪嘉慶癸酉舉人淵源家學不慕榮利與難弟廩生夢筆友愛尤篤一時咸推重之

方技

倉頡作字伶倫造律隸首之算數容成之六術載在典冊實
哉尙已後世越人精醫管輅善卜以及鍾王筆法顧吳丹青
是皆藝入於神名垂不朽蓋雖才技之未乎其中亦有學問
焉能使千百世後摩挲手蹟珍逾百朋當不至與腐草冷烟
同盡也

司馬冠

汝人工畫佛像神鬼人物種種能之宋宣和間稱第
一手多畫翎聖真武於雲霧中現半身觀者駭然士
大夫奉事皆有

靈應見鄧畫繼

皇甫顯

汝人號箕山野叟工畫兼精鐵筆宋大觀中模吳道
子畫先聖先師像號孔叟顯趨圖鑄諸石今寶豐

學宮猶存宣教

耶尙佐均記

臨汝人工畫兒畫圖見聞志

張昉

張其昌

明廩生工楷書

李天龍

明廩生草楷俱工

李紹孟

明副貢善書過目成誦

張繼政

明廩生善畫

閻淵仁

書畫俱工

程正謨

伊川先生裔國初庠生家最貧精堪輿岐黃治痘

有秘授尤多奇效貧富不謝艱於嗣晚年得一

子人以爲積德之報云

焦宏弼

字聖輔汝人以監生考授州同家三世業醫至弼受秘傳於會稽陶公及桃林燕公方脈獨步一時性豪邁卽有夙嫌者以病求絕無推拒不泥古方應手奏效自弼沒後此道爲廣陵散矣

張珂

工畫

陳濟

字普公貢生善草書

馬辰

字伯龍善畫

張勵

字敬修庠生善書畫

張兆啟

字子延庠生善董思白小楷妙絕一時

李泰曦

字東魯精醫術

陳從義

字宜菴歲貢生善大字

陳從禮

字叙菴拔貢生善草楷著有晴園小草

金堯乾

住李官營精醫術

金立本

住李官營精醫術

陳基

住周家營精醫術

徐諾賓

字誠然監生住余屯里工畫

隱逸

山中宰相閑話烟霞世外散人癖耽泉石士各有志出與處
原不必強同也是以運際中天非無巢許生逢昭代尙有夷
齊大都潔獨善之身樂高尚之志當世咸目之以爲異後人
爭說之以爲榮地以人傳其由來久矣

陶唐

許由

字武仲陽城槐里人也爲人據義履方邪席不坐邪

膳不食後隱於沛澤之中堯讓天下曰日月出矣而

矚火不息其於光也不亦難乎時雨降矣而猶浸灌

其於澤也不亦勞乎夫子立而天下治而我猶尸之

吾自視歆然請致天下許由曰子治天下天下既已

治矣而我猶代子吾將爲名乎各者實之實也吾

爲賓乎鶴鶴巢於深林不過一枝麕鼠飲河不過滿腹歸休乎君子無所用天下爲庖人雖不浴庖尸既不越樽俎而代之矣不受而遺耕於中嶽潁水之陽箕山之下終身無矜天下色堯又召爲九州長由不欲聞之洗耳於潁水濱時其友巢父牽犢欲飲之見由洗耳問其故對曰堯欲召我爲九州長惡聞其聲是故洗耳巢父曰子若處高岸深谷人道不通誰能見子子故浮游欲聞求其名譽無污吾犢口牽犢上流飲之許由乃作歌曰登彼箕山兮瞻望天下山川麗崎萬物還普日月運照靡不記覩遊放其間何所卻慮嘆彼唐堯獨自愁苦勞心九州憂勤后土謂予欽明傳禪易祖我樂何如蓋不眴顧河水流兮緣高山甘瓜施兮業綿蠻高林肅兮相錯連居此之處傲唐君及歿塋箕山之巔亦各許由山在陽城之南十餘里堯因就其墓號曰箕山公神以配食五岳世世奉祀至今不絕也見皇再謚高士傳前志未詳潘岳許由頌邈哉許公執真履貞辭堯天下抱朴隱形川停岳峙澹泊無營棲遲高山與世靡爭虛簿忝任來

宰斯城愧無惠化豹產之政巘岷治所樂慕景名登箕道遙來過墓庭逼於時憲傾筐不盈恨無旨酒奠公之靈死而不朽公其有

榮聊述雅美楊公馨聲

巢父

堯時隱人也山居不營世利年老以樹爲巢而寢其上故時人號曰巢父堯之讓許由也由以告巢父父曰汝何不隱汝形藏汝光若非吾友也擊其膺而下之由悵然不自得乃過清冷之水洗其耳拭其目日向聞貪言負吾之友矣遂去終身不相見見高士傳前志未詳王志紀疑張華博物志稱司馬遷云無堯以天下讓許由事揚雄亦云誇大者爲之樓賜叔愛日抄云從來人以莊周盡爲寓言却不會深考如堯讓許由依舊是有此人蓋申呂許甫皆四岳之後許由亦其一也以當時咨四岳觀之則堯有讓四岳事但周之言文飾過當耳左傳云夫許太岳之後杜洸云堯四岳則太岳非由乎高士傳堯召許由爲九嶺長豈卽岳之任與按伯夷傳太史公云箕山有巢由塚是不疑爲無是矣古人之名不覓於六藝何止一

由而統欲蔑之耶楊誠齋有詩子雲到老不曉事不信人間有許由子雲之見譏於人宜矣書植巢父羹堯禪許由巢父是恥穢其溷聽臨河洗耳池主是讓以水爲濁嗟此三士清足勵俗唐王勣祭巢許文懷二子之高烈背嵩嶽而來遊挹千載之遐軌登箕峯而少留昔時慷慨神輕九州今來寂寞魂依一邱英蹤落而猶在精誠冥而遂幽山荒廟僻地古松楸蒼鄙懷之有素仰前哲之清猷同聲必感異代相求如至誠之見接庶殞繫之可羞

嚴光

字子陵漢光武故人拜諫議大夫不受歸釣富春山

按子陵本姓莊後史臣避明帝諱改爲嚴其釣臺在浙江嚴州府桐廬縣宋范文正公出守嚴州特爲建祠作記今州西南二十五里亦曰富春山相傳爲子陵隱居處上有洞肖子陵像於其中下有小山俗稱卽釣臺也或云子陵先隱此而後之浙亦未可信也京兆三元人唐永徽中補太學生罷歸長史李安明表其才召赴京師行抵汝辭以疾入箕山居許由祠

田游巖

旁不交當世惟與韓法

昭宋之間爲方外交

白居易

字樂天太原人年七十一以刑部尚書致仕退居洛

陽結社香山號爲九老嘗寓於汝之商酒務前志商

酒務在三堆山下界連寶豐有樂天故宅其墓在臨

汝按李商隱碑文則曰會昌六年十一月葬龍門龍

門在洛陽東二十五里距臨汝僅七十餘里名公遺

蹟後人爭託以爲榮况其爲生前棲息之鄉乎靈爽

所憑卽山川生色亦存而不論可耳九老爲胡杲吉

叟劉真盧真張潭朱昂狄兼謩僧如滿並樂天九人

皆年高而隱逸者按前州志所載多誤今攷香山詩

集及寶豐志辨證之詳見古蹟香山寺註

孔叟

孔子四十六世孫北宋時隱居汝州滎陽城事親孝

讀書循禮法性孤潔喜聞善人皆愛慕之

字千霞州人博聞強識遊泮後淡於仕進隱居白雲

山中精數學凡疑難事剖析多奇申歿之前戒其子

毛鶴駕

曰某日毋他往屆期沐浴衣冠曰

一生不離巖端坐而逝壽八十

仙釋

南華秋水盡是寓言西竺慈雲誰參正法抽耶釋耶庸何言
乎然而駐不老之顏靈根早種運廣長之舌覺路宏闊顧安
得漁父桃源消受壺中之日月如來金粟究明身外之因緣
哉

廣成子

軒轅時人修道崆峒山黃帝嘗就而問焉答曰毋勞
爾形毋搖爾精毋俾爾思慮營營乃可長生歷千二
百餘歲未嘗衰老今有昇仙石在崆峒山朱網謁廣
成子祠詩千載高風不可攀祇今遺像冷空山蒼茫
訪道雲同往縹緲昇仙石自閒臥碣有文苔斷續荒
祠無主鶴棲還寧知寂寞崆峒裏野馬遊塵看兩間
汝南人嘗爲穉市吏愛風穴清幽可居遂闢洞栖焉
一日我竹杖化龍於橋上乘而仙去今橋名昇仙橋

費長房

一日我竹杖化龍於橋上乘而仙去今橋名昇仙橋

詳風穴

八景

張元化

葛元弟子常寓汝能前知一日召道士肩元亨戒之曰吾化後無損吾軀元亨遵其命葬於城北二里後五年汝卒戊蜀者逢一道士謂曰我新去汝可為持書與胡司馬周尊師卒返投書二人開緘乃元化親札謝二人葬之厚也發塚視之惟空棺

馬丹陽

有故履存焉政和中賜號冲妙先生
法名元寶相傳丹陽遇純陽子食瓜自蒂怪而問之答曰香從鼻裏出甜從苦中來豁然警悟遂修道成仙北街有丹陽觀即此

邱神仙

在東關清溪觀養真修道元至正七年五月成吉思皇帝手詔至京堅辭歸汝

筆仙

石晉末汝有一士人每夜作筆十管付其家至曉闔戶而出鑿壁竇以竹筒如引水者有人置三十錢則一筆躍出多取即無筆盡則攜錢行沽吟肅自若凡三十載忽去不知所在又數十年人有見之者顏貌

如故人謂之華

仙見東坡集

貞禪師

俗姓張京兆人唐開元間大闡法輪傳燈風穴寺中

寶誌公

弟子宗木建塔山側謚爲七祖

姓朱氏嘗對梁武帝食鱸帝曰朕不知味二十餘年

師何爲爾公吐出鱗尾依然每與武帝論法宗風大

青山祖師

暢有法華經在汝流傳名其寺曰法華寺有塔藏衣鉢後人改其寺爲法行寺劉姓唐大歷間焚身禱雨凡有所報輒應

慧容禪師

明代住汝州南院卽寶應寺又名南禪寺

法昭禪師

明時住南院

思明禪師

明時住西院

延招禪師

明時住北院卽風穴白雲寺

廣慧真禪師

明時住東院卽廣慧寺又名給孤寺

无漣禪師

德宣禪師

明時住東院

雲峩禪師

國朝順治初年住北院白雲寺以上八釋各著語

錄大闡宗教並載傳燈兵部邊爐贈雲峩和尚詩云一片風聲雜鳥啼白雲深鎖大橋西水穿石骨中流遠月冷松梢落照低遊子不堪題斷碣老僧猶自剪新蔡停車偶共雲

我話夜叩何須問虎溪

檀山禪師

本州人不染俗緣能證善果

愍休禪師

蜀龍川人大禪宗風歷興福廣教清福熾煌金粟興善風穴七座各開堂演法所著有七會諸錄敲空遺響詩文

行世示寂於汝

穎石禪師

洛陽人善書畫一時名士樂與遊開白馬常住立叢席主風穴章太守軼千贈以匾曰風高文暢所著有兩會語錄句瞿詩集行世主

脫穎禪師

風穴十載歸白馬年九十餘示寂
陝西高陵人神清齟齬早悟三乘主風穴叢席三十餘年善書法工詩古文詞中丞鄂巡汝枉道宿山中與師吟詩唱和有高秋襟抱一時闕之句蓋不惟慕白雲爲勝地也乾隆十五年在嵩嶽恭送鑿輿奏答如流鬚眉皓白

天顏顧而

喜曰此有道者爲風穴老人也賜饌一席金一十錠並莊親王所贈慈雲慧日額字大爲禪林生色壽至期頤趺坐示寂